

KUGIE UThERI

THIINI WA IBUKU RIRI:
NGEREKANO CIA JESU
ATUMIA A IBUKU RIA
NGAI



NGEREKANO
CIA
JESU



KUGIE UThERI

Mwandiki: Mrs. Tom Small

Mathomo ma Micemanio ya Atumia

Africa Coordinated Curriculum for Women

Co-Lit 2-3-4

Published by

Baptist Publications House

Box 30370, Thika Road, Nairobi

© Copyright, 1990

Baptist Publications House

All rights reserved

undu wa andu ethi aria marikitie kugia na riitana ria gutungata Ngai na gutuika ahunjia. Matuuraga kuu hingo iria metereire kurikia mathomo mao ma Sekondari. Abraham Kamara akoragwo ari umwe wa andu ethi aria maturaga kuo.

Abraham Kabere kau aari wa ndini ya Giithiramu. Akiambiriria kwiruta uhoro wa Ibuku ria Ngai niguu one mahitia. Eendaga ahote kugia na ngarari na Akristiano ati ndini ya Giithiramu niyo ya ma. Nao Akristiano amwe makimwita thiini wa kanitha wa Kibatisti. Nake agithii kuo na hitho niguu ndakamenyeke ni andu ao na a ruriri ruao. Thutha-ini akirikia kumenya ati Jesu niwe Muhonokia. Akiumbura Kristo muingi-ini na akibatithio. Riu andu ao na ruriri ruake ni marikitie kumurega. Kwoguo riu atuuraga thiini wa nyumba io ya "Evangel" akihunjia ahaana murutwo wa Jesu. Ugi wake wa kumenya uhoro wa Ibuku ria Ngai ni umuteithitie gutuika muira mwega wa Jesu.

MUTONGORIA:

Jesu Kristo eerire arumiriri aake mathii thiini wa thi yothe mahunjie Uhoro-Mwega. Andu a Liberia ni marageria gukinyira andu icigo-ini ciothe cia bururi ucio. Marageria kurehe andu a mhiriga yothe kuri Jesu. Amiceni na andu a Liberia

mararutithania wira hamwe na njira mwanya mwanya ni undu wa kuhunjiria andu othe Uhoro Mwega wa Jesu Kristo.

CIURIA

1. Bururi wa Liberia uri mwena uriku?

2. Bururi wa Liberia waaheiruo wiyathi mwaka uriku?

3. Ni maciaro mariku maria andu a Liberia mendagiria mabururi maria mangi?

4. Makanitha mongererekire atia kwambiriria mwaka wa 1981?

5. Niki giteithitie makanitha gukura?

6. Ni maundu mariku mamwe atumia Amiceni mekaga hari kumateithia kuheana uira?

7. Ni undu uriku waahanikire kuri Anna mutumia uria waari mutongoria wa Kirabu kia Njohi?

8. Joetta Collins ekaga atia?

9. Ni maundu mamwe mariku atumia Abatisti thiini wa Monrovia mekaga ni undu wa kuheana uira wa Jesu?

10. Ni gitumi kiriku kia mbere giatumire Abraham Kamara erute uhoro wa Ibuku ria Ngai? Ni gitumi kiriku gitumaga erute riu?

KUGIE UThERI

MAUNDU MARIA MARI-HO

Bi.Mary Small

NGEREKANO CIA JESU

1. Ng'ondur Iria Yorite
2. Muhandi wa Mbeu
3. Taranda
4. Mutumia wa Ndigwa na Mutuaniri Ciira
5. Mugunda wa Mithabibu na Arimi Oru
6. Gitonga Kiria Gikigu
7. Airitu Aria Ikumi

ATUMIA A IBUKU RIA NGAI

8. Ruthu
9. Esiteri
10. Mariamu, Nyina wa Jesu
11. Mariamu na Maritha

UHUNJIA

12. Uhoro Mwega Wa Liberia

Co-Lit 2-3-4

AFRIKA



maamukiire Jesu atuike Muhonokia wao.

Mumiceni Rita Smith akoragwo akiruta wira na andu thiini wa matuura maingi. Athiaga na maguru, gataru kana ngari guthii kuhunja. Andu aingi thiini wa bururi ucio ni metikitie uhoro wa ugo na urogi. Rita ni aatumire mutumia umwe wetagwo Anna amukire Jesu Kristo atuike Muhonokia wake; nake aakoretwo ari mutongoria wa kirabu gia kunyua njohi. Anna ni kumenya aamenyire ati kunyua njohi ni guthukia mutuurire wake. Na hindi iria rita aathire kumucerera Anna ni eehariirie kwamukira Jesu amuhonokie.

GICUNJI GIA KANA: Atumia a Liberia Makiruta Wira

Joetta Collins, mutumia Muliberia urutaga wira thiini wa thibitari kaingi arutaga wira thiini wa matuura-ini. Arutaga andu aria aruaru arume na atumia uhoro wa ugima mwege wa mwiri. Na hindi iria ekuruta wira niahunjagiria andu uhoro wa Jesu.

Nake Lucy Tarlue atuuraga thiini wa ituura rimwe ritari kanitha. Nake cibi umwe Muliberia waarikitie gutuika Mukristiano niwe waaheanaga uira wa Jesu thiini wa ituura riu. Andu amwe ni meetikirie. Nao makienda kwambiriria kanitha; magigita mumiceni mutumia wetagwo Margaret Fairburn. Lucy akiira mutumia ucio atiri, "Maitu, nitukwenda gutuika Akristiano. Nitwitikitie ati Kristo niwe tukwenda kurumirira. No gutiri undu o na umwe tuui. Atiri woima guku gwisu umuthi-ri, ni ugucoka kuri ithui ringi kana ni ugututiga biu?"

Municeni ucio ni aacokire kuo ringi. Nao andu aingi makibatithio na makiambiriria kanitha. Riu Lucy ni areruta guthoma na kwoguo no ahote guthoma kiugo kia Ngai.

Urumwe wa Atumia thiini wa Monrovia (Mucii munene wa Liberia) utongoragio ni Viola Dukuly. Ni mambiriirie ikundi mwanya cia kwiruta Ibuku ria Ngai thiini wa icigo nyingi cia mucii ucio. Na niundu wa ugo kanitha umwe ni waambiriurio. Ningi ni mehang'itie na gukinyira andu gicunji kimwe kia ituura riu. Wiruti wa kirathi kia Sunday School, wiruti wa Ibuku ria Ngai thiini wa ikundi, na micemano ya mayoha niiteithagia hari gukinyira ciana na andu ethi o hamwe na andu agima.

Ningi atumia ni maaceraga mathibitari ni undu wa kuhunjiria aruaru. Nakio gikundi kiria kingi gigathii njera nene ya Central Prison ni undu wa kuhunjiria andu aria ohe.

GICUNJI GIA GATANO: Kuhunia Kundu Guothe na Kuri Andu a Iruka Ciothe

Soubouie ni eetikirie Jesu na akigia na riitana ria Ngai ria kuhunja. Riu arathoma thiini wa Seminary ya Kibatisti. Niwe mundu wa mbere wa kiruka kia andu a Krahn guthomera cukuru io na ni ehariirie guthii kuhunjiria andu a ruriri ruake.

Ituura ria Zwedru rikoragwo riri mairo magana matatu kuuma ndweere-ini cia iria. Abatisti matikoretwo me na wira kuu handu ha miaka miingi. Nyumba iitagwo "Evangel" ni irikitie gwakwo kuo ni

Mubango wa Mbere

NG'ONDU IRIA YORITE

Muoroto wa Mweri: Ngerekano cia Jesu

Maandiko Matheru: Luka 15:1-7

Muhari wa Kwiririka:

"Ithuothe nitutigite njira iria njega, ni guturura tutururite ta mburi, o mundu agathii na njira yake mwene; nake Jehova niamuigiriire waganu witu ithuothe."

Isaia 53:6

MUTONGORIA WA MUBANGO

Umuthi tuguthii kwiruta uhoro wa ngerekano iria Jesu aheanaga uhoro nacio. Atiriri, ngerekano ni kii? ngerekano ni rugano runyinyi ruakuheana uhoro muna uria uri guku thi hari kurutana uhoro wa ma wa maundu ma Ngai. Ni mbica ya kurutana na njira njega uhoro-wa-ma wa Ngai. Rugano rurutanaga uhoro uyu ati andu aingi no makahota kurumenya. Mahinda maingi Jesu aahuthagira ngerekano akiheana uhoro wa Ngai. Aaragia uhoro wa ngerekano cia maundu maria andu moi wega. Ni aaragia uhoro wa mbegu ona uhoro wa mundu uria uhandaga mbeu. Ningi agicoka akiaria uhoro wa ngerekano ya mundu uria worite. Ningi agicoka akiaria uhoro wa murimi umwe gitonga no ningi aari mukigu. Nitukwaria uhoro wa ngerekano icio hamwe na ingi nyingi handu ha ciumia iria turorete.

GICUNJI KIA MBERE:

Ithomo ria umuthi rikuheana uhoro wa ng'ondu iria yorite. Muthenya umwe andu amwe ni maacemanitie guthikiriria uhoro wa ciugo cia Jesu. Aingi a andu acio maari etia mbia cia

igoti ona andu aria ehia. Hindi ya matuku ma Jesu, etia mbia cia igoti ni maari amene muno ni andu aria angi. Ni maamamenaga tondu wa uria metagia mbia nyingi cia igoti makiria ma uria maagiriiruo ni kuruta. Mekire ugo tondu wa kwenda gwitongia o ene. Afarisai ona aandiki marua na atongoria a ndini. Nao makiambiriria guteta. Makiuga atiri, "Mundu uyu niamukagira ehia akarianira nao" (Luka 15:2). Matiendaga Jesu eke undu ta ucio. No ningi Jesu endaga andu othe. Ni eendete etia mbia cia igoti o hamwe na andu aria ehia.

GICUNJI GIA KERI:

Niguo ahote guteithia afarisai ona aandiki marua kumenya gitumi kiria giatumaga arianire na ehia-ri, Jesu ni kumahe aamaheire uhoro na ngerekano. Nake akiambiriria kumahe uhoro na ngerekano ya mundu umwe na ng'ondu igana rimwe. No ng'ondu imwe ikiura. Nake Jesu akimoria kiuria, "Mundu ucio aagiriiruo ni gwika atia?" Hatiri nganja ni gutiga angitiga ng'ondu icio ingi niguo athii agacarie iyo yurite.

Na amiona, no kumikua angimikua amicokie mucii. Na acoke akene

tondu wa kuona ng'ondū io yorite. Atiriri, hindi iria wona kindu giaku kiria kiurite wikaga atia? Hihi warikia gukiona ni ukoragwo na gikeno?

GICUNJI GIA GATATU:

Thutha wa uguo Jesu agicoka akiaria ciugo nene makiria. Akiuga, "Uguo noguo gukagia gikeno Iguru ni undu wa mundu umwe mwihia uria wiririte, gukira gikeno kiria gigakenwo ni undu wa andu athingu mirongo kenda na kenda, aria matabatairio ni kwirira" (Luka 15:7).

GICUNJI GIA KANA:

Thiini wa Isaiah 53:6 nituthomaga ciugo ici: "Ithuothe nitutigite njira iria njega, ni guturura tutururite ta mburi, o mundu agathii na njira yake mwene; nake Jehova niamuigiriire waganu witu ithuothe." Isaia 53:6

Andu aria mariithagia ng'ondū ni moi ati ng'ondū ni ngigu muno. Ng'ondū ciikaraga cietereire gutongorio ni muriithi wacio guthii kuria ingiria nyeki, ona kuria inginyua mai ona gucimenyerera. Ng'ondū imwe ingiura ndingihota gucoka kumenya njira ya uria ingihota kuona iria ingi. No muhaka muriithi athii agacicarie.

Muhari uria twarikia guthoma kuuma thiini wa Ibuku ria Isaia ugutwira ati ithui tuhuana ta ng'ondū. Niturikitie kuura. Nitubatairio ni kugia na muriithi mwega wa gututongoria. Ngai ni arikitie gututhondekera njira ya uhonokio. Ni aarutire Muruwe, Jesu Kristo, niguo ahote kuoya iherithia tondu wa mehia maitu. Jesu ni atuonetie njira ya uhonokio. Uyu niguo uhoro mwega uria tungihota kugwatanira na andu other a kundu guothe.

MUTONGORIA WA MUBANGO

Umuthi nitwarikia kwaria uhoro wa wendo munene wa Ngai. Ningi nitwarikia kwiruta ati andu othe a kundu guothe mahuana ta ng'ondū ciurite. Thiini wa Aroma 3:23 twiritwo atiri, "Ni gukoruo andu other maanahitia, magakiaga gukinyirira riri wa Ngai." Mundu o wothē ni abatairio ni kuhonokio. Jesu endaga Mukristo o wothē ateithie andu aria morite kumenya uhoro wake. Rekei tuhoe Ngai atuteithie kwira andu aria angi uhoro wake thiini wa kiumia giki.

MAHOYA

Abatisti marahunjia Uhoro- Mwega wa Jesu Kristo.

GICUNJI KIA MBERE: Bururi wa Liberia

Liberia ni bururi ukoragwo uri thiini wa Afrika ya Ithuiro, na ni bururi munyinyi gukira Kenya kana Tanzania. Ukoragwo na andu millioni igiri na nuthu. Amwe ao maari njiarua cia andu aria maari ngombo kuuma Amerika; nao magituika aikari a bururi ucio mwaka-ini wa 1820 moima ukombo-ini. Aingi ao moimite nduriri-ini ingi ta 16. Bururi ucio waheiruo wayathi mwaka-ini wa 1847 thutha wa gwachwo ni Amerika-Negro miaka miingi.

Andu aingi thiini wa Liberia ni arimi makuragia irio ta mucere, mianga, maguta ma nathi, na ikwa. Mbura ikoragwo iri nyingi thiini wa Liberia. Mititu minene ya miti ya mai maria mathondekagwo mibiira (rubber) ni ikuragio magakienderia mabururi mangi. Ningi ni menjaga muthanga wa cuma kuuma thi, na kwendia mbau cia miti.

GICUNJI GIA KERI: Gukura kwa Wira wa Abatisti

Kuuma mwaka-ini wa 1981, Abatisti thiini wa Liberia makoretwo magikura. Makanitha mongerekete kuuma 150 kinya 280 handu ha miaka itandatu. Handu ha miaka miingi makanitha ma Kibatisti thiini wa Liberia makoretwo mari matauni-ini maria mari hakuhi na ndwere-ini cia iria. Riu andu a Liberia nimarageria gukinyira andu thiini wa kundu guothe bururi-ini ucio. Ruhonge rua gukuria

muingi bururi-ini niruo ruteithitie hari gukura guku. Andu merutite o-ene matethie kuuma Amerika nio marutite wira hamwe na andu a Liberia hari gwaka makanitha maingi. Ningi makaruta a memba a makanitha uhoro wa kuhunjia na kuruta atongoria a makanitha morutani ma mwanya. Andu aya merutite ni maakire itiki ria kuringa ruui, andu magakiringariga rio mathii ituura rimwe na riria ringi hindi ya mbura. Naguo kanitha ukiambiririo hindi io itiki riu riakiruo.

Arutwo kuuma Baptist Theological Seminary nao ni marateithiriria hari gukura guku. Ni marambiriria gwika maundu maria merutite irathi-ini. Ni marambiriria ikundi cia kwiruta Ibuku ria Ngai na kwambiriria makanitha meru.

Ruhonge rua Seminari rua gutheremia uhunjia (T.E.E.) Bible Way, na urumwe wa Atumia nitethagia Akristiano aria angi kuheana uira.

GICUNJI GIA GATATU: Atumia Amiceni Makiruta Wira

Atumia ni magwatanagira hari kuhunjia Uhoro-Mwega kuri andu a Liberia. Atumia Amiceni kuuma Amerika nimarutanaga githomo kia andu agima na uhoro wa Ibuku ria Ngai. Amwe marutanaga thiini wa cukuru ya Kibatisti ya sekondari, Ricks Institute, kana thiini wa Seminari. Aria angi nao makarutana irathi cia urugi wa irio njega cia mwiri thiini wa matuura-ini. Thiini wa cukuru imwe ta io atumia atandatu othe a kirathi kia andu agima ni

ria Bethania, no njikare hakuhi nake ona guthikiriria urutani wake." Hihi wahota gutuika ta Mariamu, uria wathikagiriria Jesu? Kana hihi ungienda gutuika ta Maritha, uria wethinagia na kuruga irio ona kuhe andu irio metha-ini? Ni uhuthu gucokia atiri, "Ingienda gutuika ta Mariamu."

No ningi wikaga atia thiini wa muturire waku wa matuku maya? Ciugo cia muhari witu wa kuuga na ngoro wa umuthi ni ciugo cia Jesu we mwene: "Inyui muri arata akwa, mweka maundu maria ndimwathaga" (Johana 15:14). No muhaka tugiage na mahinda hindi ciothe o muthenya ma kwiruta ndeto cia Ngai. Ngai aragia na ithui hindi iria tuguthoma Ibuku ria Ngai. Hindi iria tukuhoya tukoragwo tukiaria na Ngai. Ni undu wa bata muno kugia na kahinda kanini o

Mubango wa Ikumi na Iiri

UHOHO MWEGA WA LIBERIA

Muoroto wa Ithomo: Uhunjia

Muhari wa Kwiririkania:

"Thii thi yothe mukahunjirie andu othe Uhoro-uria-Mwega."

Marko 16:15

MUTONGORIA WA MUBANGO:

Atiri, niukoragwo ukimenya ati ni bururi uriku thiini wa Afrika uria waari wa mbere kwiya? Ningi niukoragwo ui ni bururi uriku thiini wa Afrika uria ukuragia miti miingi iria mai mayo mathondekaga mibiira (rubber)? Ningi ni ui ni bururi uriku

munyenya ga guthoma Kiugo kia Ngai hamwe na Kuhoya.

Agikoruo nitugutua Ngai wa mbere thiini wa mutuurire witu, ota uria Mariamu ekire-ri, Ngai ni arituheaga hinya wa kuruta wira witu wa o muthenya. Niarituheaga uugi wa kuhoota thina witu. Niarituheaga thayu thiini wa ngoro ciitu, ona angikoruo nituguthiururukwo ni mathina.

MUTONGORIA WA MUBANGO

Rekei tuhoe turie Ngai atuteithie tukoragwo na kahinda gagukoruo hamwe nake o muthenya. Reke tumucokerie ngaatho ni undu wa mathomo macio twirutite mahinda ma ciumia icio ithirite.

MAHOYA

thiini wa Afrika waakiruo kanitha wa mbere wa Kibatisti? Ciuria icio ciothe ungicokia na kuuga ati ni Liberia, no ukoruo ukimenya.

Umuthi tukwiruta uhoro wa bururi wa Liberia, na wira wa Abatisti thiini wa bururi ucio. Tukwiruta uria

Mubango wa Keri

MUHANDI WA MBEU

Muoroto wa Mweri: Ngerekano cia Jesu

Maandiko Matheru: Mathayo 13:3-8, 18-23

Muhari wa Kwiririkania:

"Nacio iria iri tiri-ini uria munoru nicio aria maiguaga uhoro na ngoro thingu na njega, makauikaria ndukore, na magaciara maciaro magikiragiriria."

Luka 8:15

MUTONGORIA WA MUBANGO:

Nitukuririkana ati Jesu aahuthagira ngerekano hari kuruta arutwo ake uhoro wa maundu maingi. Aaragia uhoro na ngerekano cia maundu maria andu mangiahotire gukuurana uhoro wamo. Ithomo riitu ria umuthi rigutwira uhoro wa muhandi wa mbeu. Ithuothe ni tuui uhoro wa muhandi wa mbeu thiini wa mugunda. Hakiri uguo, ona ithui nitukumenya uhoro wa maundu maria Jesu aaragia uhoro wamo hindi io ya mahinda macio ma tene. Ngerekano iria tukwaria uhoro wayo umuthi tukumiona kuuma thiini wa mabuku meri ma Kirikaniro Kiria Kieru. Rugano rukuonekana kuuma thiini wa ibuku ria Mathayo gicunji kia 13; Mariko gicunji kia 4 na kuuma thiini wa Luka gicunji kia 8. Nituguthii guthoma mihari io.

GICUNJI KIA MBERE:

Rekei tuhingure mabuku maitu thiini wa Mathayo 13. Haha tukuona Jesu akiaria uhoro wa undu uria moi wega. (Guthoma Mathayo 13:3). Tukuona muhandi akiungania mbeu na agacoka kumagara guthii guchianda. Hindi iria muhandi ucio aahandaga, mbegu imwe ikigwa

mukira-ini wa njira, nacio nyoni cia riera-ini igiciria. Nacio iria ingi ikigua runyanjara-ini, na riria ciambiriirie kumera, ikiuma tondū wa kwaga tiiri wa kuigana. Nacio mbegu iria ingi ikigua miigua-ini. Na hindi iria ciathire na mbere kuraiha, ikihatikwo ni miigua. Nacio mbegu iria ingi ikigua tiiri-ini munoru. Nacio igiciara maciaro. Matuku maya nitui mithemba ino yothe ya tiiri. Twahota kumenya maciaro maria monekaga angikoruo mbegu ingihandwo tiiri-ini mwega, no muhaka tugie na magetha.

Thutha wa kwaria thimo ici ciothe Jesu ni eerire arutwo ake atiri, "Uria wi na matu ma kuigua niakiigwe" (Mathayo 13:9).

GICUNJI GIA KERI:

Nao arutowa Jesu makimuria tiri, "Waragia nao na ngerekano niki?" (Mathayo 13:10). Nake Jesu akimahe itumi igiri iria itumaga arie na ngerekano. Gitumi kimwe kiari tondū ati andu aria maari arumiriri ake ni mangiahotire kuririkana na njira huthu maundu mari aendaga kumaruta. ningi gitumi kiria kingi ni tondū arutanaga na ngerekano niguo andu aria maari thu ciake

matangiahotire kumenya gitumi kia urutani wake.

Thutha wa kumera gitumi gia kwaria na ngerekano, Jesu ni erire artwo ake gitumi kia ngerekano io. Akimera atiri, "Mbeu io yaahandiruo ni muhuri ni Kiugo kia Ngai" (thoma Luka 8:11). Nao andu aria maiguaga Kiugo giki ni makiamukagira na njira nyingi. Hakiri uguo andu magerekanitio na mithemba miingi ya tiri. Jesu akiuga ati njira igerekanitio na andu aria maiguaga Kiugo kia Ngai. Na thutha wa kuigua Kiugo kiu nake Shaitani agoka agakua kiugo kiu kuuma thiini wa ngoro cia andu niguo matigetikie macoke mahonokio.

GICUNJI GIA KANA:

Naguo tiiri uria uri runyanjara-ini uhuananitio na andu aria maiguaga Kiugo kia Ngai na magacoka magakinyita na gikeno. No ningi kiugo kiu gikaga miri thiini wa mituurire yao. Kungigia na thina tondue wa Kiugo kia Ngai, ni kuura moraga. Nayo miigua ihananitio na andu aria maiguaga Kiugo kia Ngai, na thutha wa uguo magacoka kuhinja witikio-ini wao tondue wa gwithinia na utonga ona ikeno cia thi, muthia-ini maundu macio mothe makanina Kiugo kia

Ngai. Nakio Kiugo kiu gikaaga guciara kindu thiini wa mutuurire wao. Naguo tiiri uria munoru ukhuananio na andu aria maiguaga Kiugo kia Ngai magakirumia na ngoro njega iri na wathiki. Kiugo kia Ngai kiahota guciara maciaro maingi.

MUTONGORIA WA MUBANGO:

Kionereria giki ni muhano kuri ithui othe aria turaigua Kiugo kia Ngai. No muhaka tutuikie ehokeku hari kuigua ndumiriri ya Kiugo kia Ngai. Kuhunjiria andu aria angu Uhoro Mwega wa Jesu Kristo ni utumaga andu aria mareka uguo magie na hinya. Ngerekano ino igutwira ati ti andu othe metikagira kuigua ndumiriri ya uhoro wa Jesu. Ti andu othe metikagira gutuika ehokeku hari kiugo kia Ngai. No ningi ni turigiaga na ucamba ati tungituika ehokeku hari kuhe andu aria angu uira wa Kristo, Kiugo kia Ngai ni kiriciaraga maciaro kuri andu aingi aria tuheaga uira.

Rekei tuhoe tuurie Ngai atuteithie gutuika ehokeku hari kwamukira Kiugo Giake na njira ya kwira andu aria angu Uhoro wake.

MAHOYA

eendete Jesu. Ni aamwitikitie. Ni eendaga guthondeka irio tondue wake. No ningi, ndaigana gwetha kahinda ga guthikiriria urutani niguo ahotie kwiruta maundu ma Ngai. Nake Jesu akimwira ati abatairio no undu umwe. O nake Maritha ni aabatairio ni kugia na kindu kiria Mariamu aathurite kugia nakio. Jesu ni aamenyete ati ndaari na ihinda iraya ria gutuura guku thi. Ni aamenyaga ati Mariamu hamwe na andu aria angu meerutaga ni mangiaikarire hamwe nao thutha wa Jesu arikia kwambata guthii matu-ini.

GICUNJI GIA GATATU:

Rekei twicirie uhoro wa mutuurire wa mucii uyu kahinda kangi. Hingura Johana gicigo kia 11 kuuma thiini wa Kirikaniro.

Lazaro uria waari muru wa nyina na Maritha na Mariamu aari muruaru. Jesu aari kundu kuraya kuuma ituura riu ria Bethania. Indi ona kuhuana uguo Martha na Mariamu ni maatumaniire kuri Jesu kuuga ati Lazaro ni muruaru. Ibuku ria Ngai ritwiraga atiri, "Nake aigua ati ni muruaru, akiamba guikara mithenya iiri o kuu aari" (Johana 11:6). Na thutha wa uguo agicoka akiuga ati mathii o kinya Bethania.

Hindi ya mbere, arutwo ake meeciragia ati Lazaro aari muruaru. No muthia-ini Jesu akiuga, "Lazaro niakuite; na ningenete ni undu wanyu undu itarari kuo, ni getha mugetikie; no riri, nituguthii kuri we" (Johana 11:14b-15).

Hindi iria Maritha aiguire ati Jesu ni aroka, ni aathire kumuthagania. Nake akiira Jesu atiri, "Mwathani, ungari kuo, muru wa maitu ndangiakuire" (Johana 11:21). Nake Jesu akiira Maritha ati muru wa nyina ni ekuriuka. Nake Maritha akimwira ati ni etikitie ati ni akariuka akuu makiriuka. No ningi Jesu ndaaragia uhoro wa uriukio wa hindi ya ithiriro.

Na thutha hanini Mariamu agithii kuri Jesu. Nake agicokera ciugo o icio ciaririo ni Maritha mwari wa nyina. Nake Jesu akihota gukuurana thina uria waari na arata acio ake. Nake akiigua kieha. Na agicoka akirira maithori. Jesu agithii mbirira-ini haria Lazaro aathikitwo. Ndukariganiruo ati gwathirite matuku mana kuuma riria Lazaro akuite. Hindi iria aamerire meherie ihiga riria riahingite muromo-ini wa mbirira, Jesu ni aaririe na mugambo munene akiuga atiri, "Lazaro uma" (Johana 11:43b).

Ningwiciria ati Mariamu na Maritha nimagegire muno muru wa nyina ari muriuku ringi. Hihi meciragia ati Lazaro ndangiariukire ringi kuuma kuri akuu. Hihi wee wahota gukenera undu uyu?

GICUNJI GIA KANA

Rekei twicirie undu uria tungihota kwiruta kuma kuri Mariamu na Maritha. Undu wa mbere twageria gwiciria uhoro wa kiuria giki: "Atiriri, ni mahinda maigana atia uhuthagira hari o muthenya ukiaria na Jesu?"

Hihi nogukoruo wahota gwiciria atiri, "Koruo Jesu akoruo ari thiini wa ituura riitu ta uria aari thiini wa ituura

Ni kuri na maundu maingi maria tungihota kwiruta kuuma kuri Mariamu na Maritha.

GICUNJI KIA MBERE:

Maritha na Mariamu ni atumia a bata muno thiini wa Ibuku ria Ngai. Jesu ni aathire na mbere kwira Maritha atiri, "Ni nii kuriuka na ni nii muoyo; uria wiihokete nii, o na aakua, no agatuura muoyo, na mundu o wotho wi muoyo na akeihoka nii, ndari hingo agakua. uguo niwitikitie?" (Johana 11:25-26).

Mithenya minyinyi mbere ya kwambwo kwa Jesu, Mariamu ni aahakire Jesu maguta me goro muno. Nao andu aingi makiambiriria kunegenatondwa wa undu uyu. Jesu akiuga atiri, "Reke aikare namo matuike ma muthenya uria ngathikwo" (Johana 12:7). Thiini wa ibuku ria Mathayo na ria Mariko Jesu oigire atiri, "Ngumwira tiri nama, Kuria guothe Uhoro-uyu-Mwega ukahunjio thi yotho, uguo naguo mutumia uyu ekite niukeranwo niguo aririkanagwo" (Mathayo 26:13; Marko 14:9). Hakiri uguo undu uyu no uririkanagwo tondwa wa Mariamu.

Reke tugerie gucoka thutha hanini niguo tuhote kwiruta uhoro wa andu aya maari arata a Jesu. Mariamu na Maritha na Lazaro matuuraga thiini wa ituura ria Bethania. Bethania riari ituura rinini riria riari hakuhi na ituura ria Jerusalem. Ibuku ria Ngai rititwiraga uria Jesu aahotire gutuika murata wa andu aya. No ningi nitukwiruo ati hindi iria Jesu athiaga hamwe na arutwo ake, nimatonyire

Bethania na makiemukiruo thiini wa mucii wa Maritha na Mariamu.

Atiriri, hindi iria wathii thiini wa ituura rina kuria murata waku aikaraga-ri, wikaga atia? Hatiri nganja ni gutonya utonyaga thiini wa nyumba yake. Niki? Uthiaga tondwa wa kwenda kugeithia murata waku. Ningi uthiaga tondwa no uhote kuheo gia kuria ungikoruo wi muhuutu. Ningi uthiaga tondwa andu acio ni arata aria mwendanite. Niukega hindi iria muri na arata acio.

Ngwihoka ati ici nicio itumi imwe iria ciatumire Jesu athii thiini wa nyumba ya Maritha, Mariamu na Lazaro.

GICUNJI GIA KERI:

Hingura thiini wa Kirikaniro giaku thiini wa Luka 10:38-41. Thoma mihari ino. Hindi iria tugukoruo tugithoma mihari ino, ni hari na mbica ya muthemba muna iria iguuka meciria-ini maitu. Tukuona ati Maritha ni mundu waari na mihang'o miingi ya guthondeka irio cia Jesu. Nake Mariamu aikarite thi maguru-ini ma Jesu. Niguthikiriria aathikagiriria urutani wake.

Na kahinda gatari karaya Maritha mwari wa nyina na Mariamu agitonya thiini wa nyumba akiambiriria guteta tondwa mwari wa nyina guikara thi akaga kumuteithia. Ekuga atiri, "Mwathani, kai utekuuria ati mwari wa maitu niandigite ndimumathire ndi nyiki? Ndumwire andeithie" (Luka 10:38-41).

Atiriri, Jesu aacokirie atia? (Thoma Luka 10:41-42). Maritha ni kwenda

Mubango wa Gatatu

TARANDA

Muoroto wa Mweri: Ngerekano cia Jesu

Maandiko Matheru: Mathayo 25:14-30

Muhari wa Kwiririkanja:

"Nake Mwathani wayo akimiira, niwikite wega, ngombo ino njega na ya kwihokeka: niwihokekete na indo itari nyingi, ningugutua mwathi wa indo nyingi: tonya gikeno-ini kia Mwathani waku."

Mathayo 25:21

MUTONGORIA WA MUBANGO:

Jesu aari murutani munene uria tutari twahota kugia na ungi take. Ni aahuthagira muhiano hari kuruta andu uhoro-wa-ma wa Ngai. Mahinda maingi Jesu ni eendaga kuruta andu na njira ya kuhuthira ngerekano. Aria mathikagiriria akirutana na ngerekano ni maahotaga kumenya o narua uhoro-wa-ma uria Jesu endaga mamenye. Matuku maya, hindi iria tukuigua uhoro wa ngerekano cia Jesu nituhotaga kumenya uria ekwenda gutwira ona ithui. Ngerekano ya taranda ni iri na urutani kuri ithui ithuotho ota uria ciakoragwo iri na urutani hindi ya matuku ma Jesu.

GICUNJI KIA MBERE:

Kuhingura irikaniro ciitu thiini wa Mathayo gicunji kia 25. Tuguthoma mihari imwe hari kwiruta ithomo riitu ria umuthi. Muhari wa 14na 15 tukwiruo ati mundu umwe ni aathire rugendo thiini wa thi ya kuraya. Na mbere ya atanathii agiita ndungata ciake ithatu na agicine "Taranda." Atiri, "Taranda" ni nduu? Hindi ya matuku ma Jesu Taranda ndiari kindu kiahuanaga ta "ciringi." No ningi yaari

muthemba muna wa mbeca. Muigana wa taranda wathimagwo na uritu wayo kana ni uritu wa gicango (shaba) thahabu (dhahabu) kana mbauni (Fedha). Hihi no gukoruo yaari ya cuma ya mbauni. Taranda imwe yaari hihi ta muigana wa ciringi Ksh.3960/= . No ningi matuku maya twiciragia uhoro wa taranda na njira nyingi. Taranda ni uhoti uria Ngai akuhete wee ona nii. Ngai ni ahete o mundu o mundu witu undu muna wa kuhota kuruta wira wake na njira njega. Andu amwe nimahetwo taranda ya kuina nyimbo. Nao aria angi mahota kurutana. Andu aria angi mahota kurutana Kiugo kia Ngai. Nao aria angi mahota kuruta wira na ciana hari guciruta uhoro wa Ngai. Atiriri, Ngai akuhete "Taranda" iriku? Geria gucaria niguo umenye "taranda" io ni iriku niguo uhote kumihuthira tondwa wa ugoci wake Ngai.

GICUNJI GIA KERI:

Thiini wa ithomo riitu ria Ibuku ria Ngai nitwarikia kuona ati mundu ucio niaaheire andu atatu "Taranda." Ndungata imwe akimihe taranda ithano, nayo iria ingi akimihe taranda

igiri, nake mundu wa gatatu akimuhe taranda imwe. Nacio taranda icio ikiheo o mundu kuringana na uhoti wake. Na thutha wa uguo agicoka agithiira.

Haha nitukuona uria andu acio mokire. Mundu uria waheiruo taranda ithano akiruta wira nacio akiona ingi ithano. Nake uria waheiruo igiri akionjorithia akiona ingi igiri. No ningi uria waheiruo tanda imwe akimihitha tiiri-ini.

Na matuku maingi mathira, mwathi wa ndungata icio agicoka na agiita ndungata ciake. Nacio ndungata icio ikiheana o mundu uria ekire na taranda iria aneiruo.

GICUNJI GIA GATATU:

Uhoru wa ndungata igiri twahota guthoma kuuma thiini wa Mathayo 25:20 na 22. Uria wamukirire taranda ithano akiamukira taranda ingi ithano. Tond ucio akirehe taranda ikumi kuri Mwathani wake. Uria wamukirire taranda igiri akirehe ingi igiri makiria. Kwoguo akirehe taranda inya kuri mwathani wake. Andu acio othe eri mwathani wao aamerire atiri, "Niwikite wega, ngombo ino njega na ya kwihokeka: niwihokekete na indo itari nyingi, ningugutua mwathi wa indo nyingi: tonya gikeno-ini kia mwathani waku" (Mathayo 25:21, 23).

No ningi rugano rukigaruruka ngombo ya gatatu yathii kuri mwathani wao. Mbere ya guthii kuriwe, ni aathire handu haria enjeire thi taranda io. Akimithikuria na akine mwathani wake. Akiambiriria kunegeni. Akiuga, "Nindakuui ati wi

mundu mwii, ugethaga kuria utaahandire, na ucokagiriria kuria utaahurire; ngigiitigira, ngithii ngihitha taranda yaku thi...ino niyo iria yaku ndagucokeria" (Mathayo 25:24-25).

Mwathani wayo akirakara muno. Thoma uria amicokeirie thiini wa Mathayo 25:26-27. No ningi Mwathani akiuga atiri, "Ni undu ucio mutunyei taranda io, na muhe uria wi na taranda iria ikumi" (Mathayo 25:28).

GICUNJI GIA KANA:

Ni kuri na urutani muingi tungihota kwiruta kuuma kuri muthemba uyu wa ngerekano ino. Igutwira ati Ngai ni aheaga andu iheo mithemba iri nguurani. Thiini wa ngerekano tukwiruo ati mundu umwe ni aaheiruo taranda ithano, anake uria ungi akiheo taranda igiri, nake uria ungi akiheo taranda imwe tu. Hatiri nguurani hari uingi kana unyinyi wa taranda iria mundu aheiruo. Uguo noguo kuhuana matuku maya. Ngai aheaga o mundu o mundu witu iheo iri nguurani niguo ihuthiruo hari kumutungatira. Undu wa bata muno ni uria mundu egwika na iheo iria ahetho cia roho.

Ningi ngerekano ino igutwira ati kiheo gia kwiruo ni wikite wega gikumana na wira uria mundu ekite. Tarora wone uhoru wa ndungata icio igiri. Niciarutire wira wacio wega. Ciari njihokeku. Atiriri, hii Mwathani amerire, "Nimwikite wega, thiii mukahuruke." Aca, ndaigana kuuga uguo. Oigire ati, "Niwihokekete na indo itari nyingi, ningugutua mwathi wa indo nyingi" (Mathayo 25:21b na 23b). Na njira ingi, Mwathani oigaga atiri, "Ningukuhe wira muingi wa

Matuku maya Ngai ethaga airitu na atumia aria mendaga gwika kwenda kwa Ngai thiini wa mutuurire wao, hari kugucia andu aria morite ona hari guteithia kanitha kukura. Ngai ni endete andu aria menyihagia. Nimendaga andu aria mamwitikitie. Endaga andu aria mendaga gwika kwenda gwake ona kungihana atia. No muhaka twirute kuri Ngai o ta uria Mariamu erutite hari gwika kwenda gwake hari undu o wotho.

Muthenya umwe hindi iria Jesu aarutanaga, mutumia umwe thiini wa gikundi ni oigire atiri, "Gukena-ri, ni nda iria yaguciarire ona nyondo iria

wongire" (Luka 11:27). Jesu agicokia akiuga, "No makiria gukena-ri, ni andu aria maiguaga Uhoru wa Ngai, makaurumagia" (Luka 11:28). Ciugo ici ni cia ma matuku maya. Jesu endaga kuuga atiri, angikoruo matuku maya nitukuigua ciugo ciake na tucitikirie nitukurathimwo makiria ma Mariamu uria nyina wa Jesu.

MAHOYA:

Rekei tuhoe Ngai niguo atuteithie kumenya Kiugo kia giake. Tumurie atuteithie gwika maundu maria tugwathwo ni Kiugo Giake.

Mubango wa Ikumi na Imwe

MARIAMU NA MARITHA

Muoroto wa Mweri: Atumia a Ibuku ria Ngai

Maandiko Matheru: Luka 10:38-42

Muhari wa Kwiririka:

"Ndigucoka kumwita ndungata, tond ndungata ndimenyaga uria mumiathi egwika; inyui-ri, ndimutuite arata akwa, ni gukoruo inyui nindimumenyithie maundu mothe maria njiguite hari Awa."

Johana 15:15

MUTONGORIA WA MUBANGO:

Umuthi tuguthii kwiruta uhoru wa ithomo ria muthia ria uhoru wa atumia a Ibuku ria Ngai. Tukwiruta uhoru wa atumia aria maari a nyina umwe. Maaritwa mao ni Mariamu na Maritha. Mahinda maingi Maritha aakoragwo agithinia na kuruta wira thiini wa nyumba. Nake Mariamu ni aaikaraga thi agithikiriria uhoru wa

urutani wa Jesu hindi iria amacerera kwao mucii.

Mariamu na Maritha ni maari na muru wa nyina wetagwo Lazaro. Nake Jesu ni eendaga muno guceera thiini wa nyumba yao. Jesu ni eendaga andu acio muno. tond wa uria meendete Jesu ni mendaga kumurutira wira.

Mariamu niguu morire Misiri mathii magatuure kuo. Nao magiikara Misiri o kinya riria monire gutiri na ugwati angikoruo andu acio ni meguthii o kinya Nazarethi.

Atiriri, niukurikana ihinda riria Mariamu na Jusufu matwarire Jesu hekalu-ini ari na ukuru wa ikumi na iri? Maundu mothe ni maathire wega o kinya riria mambiriirie rugendo rua gucoka mucii. Thutha wa rugendo rua muthenya umwe, Mariamu na Jusufu matigana kuona Jesu gatagati-ini ga gikundi kia andu aria angi.

Hihi kaana kanyu kari kora muthenya umwe gakoima mucii? Nyina ni eeciragia maundu maingi moru maria mangiikika kuri kaana gake. Nao magicaria Jesu handu ha mithenya itatu matekumuona. Jesu aari thiini wa hekaru. Hindi iria Jesu aamenyire ati aciari nimamwethaga ni aamerire atiri, "Kai mutoi ati ndiri hingo itarikoragwo ndi nyumba ya Baba?" (Luka 2:49). Mariamu na Jusufu matigana kumenya uria Jesu endaga kuuga. Indi ona kuhuana uguo Jesu ni aacokire guthii na aciari ake o kinya Galili kuu Nazarethi na agaikaraga amathikiire. "Nake nyina niaaigaga mohoro macio mothe ngoro-ini yake" (Luka 2:51).

Jusufu aarutaga wira wa mbau. Hatiri ngaja o nake Jesu ni erutire wira ucio. Ibuku ria Ngai rigutwira atiri, "Nake Jesu agikura, akiuhigaga na akinenehaga, akiendagwo ni Ngai o na andu" (Luka 2:52. O uria ciana ikuraga matuku maya noguo Jesu aakurire. Ndina witikio ati Mariamu ni

aari na urutani mweka thiini wa mutuurire wa Jesu.

GICUNJI GIA KANA:

Mariamu aari ho hindi iria Jesu aringire kiama giake kia mbere (Johana 2:1-11). Hatiri mwandiki wa Uhoro Mweka uheanite uria Mariamu aiguire riria onire Jesu akiambwo mutharaba-ini. Mariamu aari ho riria Jesu aambiruo mutharaba-ini (Johana 19:25-27).

Kieha giake nikiagarurukire gigituika gikeno riria onire Jesu ari muriuku kuuma kuri akuu. Hihi ihinda riri nyina ni ambiriirie kuguukiruo ni maundu makiria maria makoragwo magikora muruwe. Mahinda mawe na mamwe, thutha wa undu gutuika, tuthomaga ati "Nake nyina niaaigaga mohoro macio mothe ngoro-ini yake" (Luka 2:19, 51b). Ni aari na meciria maingi iguru ria maundu maingi.

Thutha Jesu arikia kwambata matu-ini, arumiriri ake nimacokire guthii o kinya Jerusalem. "Acio othe nimaarumanagiriria kuhoya mari na ngoro imwe mari hamwe na atumia amwe, ona Mariamu nyina wa Jesu, ona ariu a nyina" (Atumwo 1:14).

Tutiiritwo makiria uhoro wa mutuurire wa Mariamu. Tutiiritwo mahinda kana uria akuire.

MUTONGORIA WA MUBANGO:

Nitugwitikia ati mariamu aari muiritu mweka. Matuku ma unyinyi wake atuuraga mutuurire mutheru. Ni etikitie Ngai. Thiini wa mutuurire wake ni eendaga gwika kwenda kwa Ngai.

kuruta." Ningi Mwathani akioya taranda kuuma kuri mundu wa gatatu akihe uria waari na taranda ikumi.

Ningi undu uria ungi twarikia kwiruta kuuma kuri ngerekano ino ni ati mundu aga kuhuthira taranda yake niegucoka oruo niyo. Angikoruo mundu ni oi uhoro wa guicuhia mbica cia miti na thutha wa uguo arege gucoka guthii na mbere na guicuhia, thutha wa miaka miingi guthira ndangihota gucoka kumenya guicuhia wega.

Uguo niguu kuhuana hari mutuurire wa Mukristo. Njira ya gutuuria iheo iria tuhetwo ni njira io ya gucuhuthira thiini wa wira wa Ngai ona hari gutungatira andu aria angi.

Mubango wa Kana

MUTUMIA WA NDIGWA NA MUTUANIRI WA CIRA

Muoroto wa Mweri: Ngerekano cia Jesu

Maandiko Matheru: Luka 18:1-8

Muhari wa Kwiririkania:

"Hakiri uguo-ri, mwagikoruo inyui, na muri oru-ri, nimuui kuhe ciana cianyu iheo njega, i Ithe wanyu wi Iguru angikiria atia kuhe indo njega aria mamuhoyaga?" Mathayo 7:11

MUTONGORIA WA MUBANGO:

Hihi ni kuri hindi uri wahoya na thutha wa uguo ugacoka kugua ati mahoya maku matinacokio? Hindi iria ungikoruo uhuana uguo ni kuuruo uragwo ni hinya ngoro ugacoka kuria

MUTONGORIA WA MUBANGO

Nitwarikia kwiruta maundu maingi ma kugegania kuuma thiini wa ngerekano ino ya taranda. Niwega turirikane ati uingi wa taranda ti kindu kia bata. Undu uria wa bata ni uria turahuthira taranda icio. Kiheo o giothe no muhaka kihuthiruo na njira ya gukenia Ngai. Gutigiriire mundu guthikuria tiri acoke ahithe taranda yake ho. Angikoruo ni tukwenda gutuura no muhaka tumihuthire.

Rekei tuhoe Ngai niguu atuteithie gutuika chokeku thiini wa wira witu wa o muthenya.

MAHOYA

atiri, "Kuri bata uriku waguthii na mbere kuhoya angikoruo Ngai ndangihe kiria ndamuhoya?" Hihi ithomo riitu ria umuthi riahota guteithia gucokia kiuria kia muthemba uyu kiigii mahoya.

GICUNJI KIA MBERE:

Ngerekano ya umuthi igutuhe uhoro wa mucirithania umwe na mutunia wa ndigwa ruria ruonekaga thini wa ibuku ria Luka riri riiki. Mbere ya Luka kuheana rugano ruria Jesu aheanire, ni ekuuga gitumi kiria giatumire Jesu ahe arutwo ake ngerekano ino. Hindi ciothe ni gwakoragwo kuri na gitumi kiria giatumaga Jesu arutane na njira ya kuhuthira ngerekano. Luka ekuga tiri, "Nake akimahe uhoro na ngerekano, akamaruta ati nimaagiriiruo ni kuhoyaga Ngai hingo ciothe mategutirika" (Luka 18:1). Gitumi kia ngerekano ino ni gututeithia kwaga kuuruo ni hinya hari kuhoya. Twagiriiruo ni guthii na mbere gucaria kwenda kwa Ngai ona gucaria njira ciake thiini wa mtuurire witu.

GICUNJI GIA KERI:

Rekei turore ngerekano ino kuuma thiini wa Uhoro Mwega wa Luka gicigo gia 18. Hingura Ibuku riaku kuuma thiini wa muhari wa 1-8. Mihari ino igutwira uhoro wa mutuaniri umwe wa cira na mutumia wa ndigwa. Thoma muhari wa 2. Atiriri muhari uyu ugutwira atia iguru ria mutuaniri cira ucio? Ukuga atiri, "Utetigagira Ngai, kana agaconokera mundu" (Luka 18:2b). Mbica ino in ya mundu utari mwega ningi ni ya mundu muru.

Tugucoka kuona mbica ya mutumia ucio wa ndigwa. Aari mundu utari hinya ningi aari muthini. Ndaari na mundu wa kumumenyerera. Ni aari na thina uria areheiruo ni mundu ungi. Tutiui thina uyu waari wa muthemba

uriku. No ningi Ibuku ria Ngai ritwiraga ati mutumia ucio aathire na mbere kwira mutuithania ucio wa cira atuithanie cira wake. No ningi mutuaniri cira ucio akirega kumuthikiriria handu ha kahinda. No ningi thutha-ini akiuga atiri, "Indi tondutumu uyu wa ndigwa niandangaga-ri, ningumurihiria, ni getha atige kunogagia ni guukaga haha hindi ciothe" (Luka 18:5). Mucirithania ucio agitikira kurihiria mutumia ucio. Muthia-ini agicoka akiuga atiri: "Githi nake Ngai ndangirihiria andu ake aria ethuriire, o aria mamukayagira muthenya o na utuku, o na angimaikaria ihinda?" (Luka 18:7).

GICUNJI GIA GATATU:

Ngerekano ino irenda gutwira atia? Hihi wahota kuuga ati Ngai ahananitio na mutuaniri cira ucio muru? Aca, tiguu ahuana ona hanini. Tukwiruo ati mutuaniri cira ucio muru ni aaguire mahoya ma mutumia ucio wa ndigwa, na akiuga ati ahingirio kuringana na kwenda gwake.

Ngai ni endete ciana ciake. Niendaga gucihe indo njega. Ningi niamenyaga maundu maria tubatairio nimo ona mbere ya tutanamuhoya. Indi ona kuhuana uguo, niendaga twarie nake iguru ria maundu maria mothe tubatario nimo thiini wa mtuurire witu. Ithui aria aciari nitui maundu maria ciana ciitu ibataragio nimo. Tukwenda ciana icio ciaragie na ithui iguru ria maundu maria ibatairio nimo. Uguo niguo Ngai ahuana.

Ngerekano ino ndigutwira ati Ngai niarituheaga kindu o giothe kiria

aari muhoi Ngai na niendaga gwika kwenda gwake thiini wa mtuurire wake.

Hihi wahota gwiciria uria Mariamu eciririe riria oimiriiruo ni muraika ti Jibiraeli? Ta thikiriria ciugo ciake cia mbere: "Wi muhoro, wee wi murathime muno? Mwathani ari hamwe nawe" (Luka 1:28b). Hihi ni etigirire tondutumu muraika ni amwirire, "Mariamu, tiga gwigirira, ni gukoruo niukinyiiruo ni Wega wa Ngai. Na atiriri, niukagia ihu, uciare kahii, nako niugagatua Jesu" (Luka 1:30-31).

Mariamu amucokeirie na njira ya kuuria kiuria. Akiuria Muraika atiri, "Kai uhoro ucio ugatuika atia, ni undu ndiui mundu murume?" (Luka 1:34). Nake muraika akimwira ati egutuika nyina Jesu niundu wa hinya wa Roho Mutheru. Iciokia ria Mariamu rikuonania uria etikitie Ngai ona akamwathikira. Mariamu oigire atiri, "Nii-ri, ndi ngombo ya Mwathani: ndiroekwo o ta uguo woiga" (Luka 1:38).

Nituremagwo ni kumenya uhoro wa uria nda yake yagiiruo ona uhoro wa guciaruo gwake, tondutumu ati ndaari na ithe wa guku thi. Luka 1:37 hoigite atiri, "Nigukoruo hatiri kiugo ona kimwe kiumite kwi Ngai gikaaga kuhinga." Ona kiamia gia guciaruo kwa Jesu kiariringiruo ni Ngai.

GICUNJI GIA KERI:

Hamwe na kugeithio ni Muraika, Mariamu ni acokire guthii rugendo ruraya guthii kugeithia andu a nyumba yao ti Elizabethi. Aari mutumia mukuru na nieriruo kugia na kahii.

Nake Elizabethi agikara na Mariamu handu ha mieri itatu.

No uhote gwiciria uria andu moigaga uhoro ukonii Mariamu thutha wa matuku guthianga? (Ni getha uhote kumenya uria Jusufu aigwaga ni undu wa maundu macio maari na Mariamu-ri, thoma Mathayo 1:18-21.)

Jusufu, uria wakoretwo amuritie niguo amuhikie, ni eciragia kumutiga. No ningi, Muraika akimuririria akimwira, "Thu riu ari nario ni ria Roho Mutheru" (Mathayo 1:20b). Hakiri uguo Jusufu na Mariamu makihikania. No matigana gutuurania ta mundu na mutumia wake kinya riria Jesu aaciiruo (Mathayo 1:25).

Hindi ya guciaruo kwa Jesu yakinya Mariamu na Jusufu ni maakoretwo mathiite o kinya Bethlehemu. Nao maathiite kwiandikithia. Na hindi iria maakoriruo kuu nirio Jesu aaciiruo. Muharati-ini o kiugu kia ng'ombe. Atiriri, niugwiciria ati Mariamu ni aari na gikeno? Ndina ma kuuga ati Jusufu na Mariamu maari na gikeno. Nao andu angi ni maari na gikeno. Tukwiruo ati andu ogi a njata na ariithi a mahiu ni maathire kumuturiria ndu makimugooa.

GICUNJI GIA GATATU:

Nao Mariamu na Jusufu makimenyerera Jesu wega. Na thutha wa guciaruo kwa Jesu gutanaikara muno, muthamaki ti Herode ni oragire ciana ciothe cia tuhii turia tuothe twari thi ya miaka iri. Nake Ngai akiumirira Jusufu kioto-ini akimwira ati oe kaana kau na nyina

muhaka tutuikie ehokeku hari kuruta ciana ciitu horo wa Ngai.

Esiteri ni aatuite ati no muhaka oruo ni muoyo wake tondue wa andu ake. Hihi nii nawe tutiiritwo ati mundu arute muoyo wake niguu tuhonokie mundu umwe. No ningi Ngai ni ekwenda tuhe andu aria morite uira. Mundu ni abatairio ni kugia na ucamba ona witikio thiini wa undu uyu. Niekwenda hindi ciothe o muthenya tuhoyage tondue wa andu acio morite, tuhoyagire atongoria a bururi witu, kuhoera kanitha witu ona kuhoera ciana ciitu. Atitiri, wee wahota gwika uguo? Muhari witu wa

Mubango wa Ikumi

MARIAMU NYINA WA JESU

Muoroto wa Mweri: Atumia a Ibuku ria Ngai

Maandiko Matheru: Luka 1:26-31, 34-35, 37-38

Muhari wa Kwiririkania:

"Nake niagaciara kahii, nako niugagatua Jesu, ni undu niwe ukahonokia andu ake mehia-ni mao."

Mathayo 1:21

MUTONGORIA WA MUBANGO:

Handu ha miaka miingi, Ayahudi maikaraga metereire guuka kwa Mesia. Nao anabii marathite uhoro wa guuka gwake. Ona Isaia ni oigire atiri, "Muiritu niakagia ihu, aciare kahii, agatue Imanueli" (Isaia 7:14).

Umuthi tuguthii kwiruta uhoro wa Mariamu uria nyina wa Jesu.

umuthi wa kwiririkania ugutwira ati Ngai ni akoragwo hamwe na ithui mahinda mothe o haria turi. Niarituheaga hinya na ucamba wa kuruta wira ucio.

MAHOYA:

Rekei tuhoe Ngai atuteithie hari kuruta ciana ciitu na ningi atuteithie gwika undu ucio na njira njega o ta uria kwahoteka. Reke turie Ngai atuhe umiriru wa kuheana uira. Na atuteithie tutuikie ehokeku handu hothe haria turi na maundu-ini mothe maria turikaga.

GICUNJI KIA MBERE:

Hindi iria Ngai aathurire muiritu thingi-ri, aathurire muiritu wa muthemba uriku wa guciara Muruwe? Nitui ati aari muiritu mwithi, hihi uri na ukuru wa miaka mirongo iri. Nake muiritu ucio akoretwo oritio ni mwanake umwe wetagwo Jusufu. Mariamu aaturaga thiini wa ituura ria Nazarethi. Ningwihoka ati Mariamu

twahoya. No ningi tukwiruo ati tuthii na mbere kuhoya ni tondue Ngai ni aiguga na agacokia kuringana na wendo ona kuringana na uugi wake uria-wa-ma. Mahinda mothe Ngai ni acokagia mahoya maitu. No ningi ti kuuga amacokagia na njira ya kuuga "Ti". Mahinda mangi nioigaga "Aca." Namo mahinda maria mangi oigaga atiri, "Eterera hanini." Mahinda mamwe na mamwe ni gukoragwo kwagiriire Ngai kwaga gutuhe kindu kiria turahoya ihinda o rimwe. Mahinda mamwe ni tukoragwo twagite kumenya kindu kiria tukwenda ihinda o rimwe. No ningi Ngai ni oi.

GICUNJI GIA KANA:

Gicunji kia muthia kia Luka 17, Jesu ni eerire arutwo ake uhoro wa gikuu giake mutharaba-ini. Ningi ni aariire uhoro wa waganu uria ukoragwo kuo guku thi. Ningi ni aamerire ati hindi ya muthia andu ni magethinia makiria na maundu ma thi gukira gwithinia na maundu ma Ngai. Mahinda ta macio nimo Akristo makoragwo makiuruo ni hinya wa ngoro.

Rora wone maundu maria matuthiururukiirie matuku maya. Nitukuona andu aria mamenagiriria maundu ma Ngai. Tukona andu aria matari Akristo. Indi ona kuhana uguo nimonekaga matari na gikeno. Makonekana ta ari andu arathime thiini wa mutuurire. Akristo aingi nimoragwo ni hinya wa ngoro riria

mona andu aria matari Akristo magaciire. Mahinda ta macio nirio twagiriuruo ni kuririkana ngerekano ino ona urutani wayo.

MUTONGORIA WA MUBANGO:

Thiini wa kiambiriria kia ithomo riri nitworirie ciuria igiri. Rekei tugerie gwicurania uhoro wa ciuria icio ringi. Hihi ni kuri hindi uri wahoya mahinda maingi na muthia-ini ukaigua ati Ngai ndaracokia mahoya maku? Hihi mahinda ta macio ni uragwo ni hinya ugacoka kuuria, "Niki gigutuma thiini na mbere kuhoya angikoruo Ngai ndekuhe kiria ndirahoya?" (Gukira hanini ucoke witikirie mundu o mundu ecuranie iguru ria ciuria ici. Mahe ihinda ria kwaria ona kuonania uria mareciria iguru ria ciuria ici.)

Ni kuri na mahinda mamwe thiini wa mutuurire wa Mukristo o wothe hindi iria angicokia oige, "Ti," macio ni maundu ma nduire hari mundu. Ithomo riitu ria umuthi rigutwira ati mahinda mothe Ngai ni acokagia mahoya maitu kuringana na wendo ona uugi wake uria-wa-ma. Ririkana ati mahinda mothe Ngai ndacokagia mahoya na njira ya kuuga "Ti." Ningi mahinda mothe ndacokagia o rimwe thutha warikia kuhoya.

Nituhoe Ngai niguu atuhe uugi uria-wa-ma hari kuhoya mahoya maria maringanite na kwenda gwake.

MAHOYA

MUGUNDA WA MITHABIBU NA ARIMI ORU

Muoroto wa Mweri: Ngerekano cia Jesu

Maandiko Matheru: Luka 20:9-19

Muhari wa Kwiririka:

"Tonduri, no muhaka ithuothe tukoneka uria tutarii turi mbere ya giti gia Kristo kiria gia ituiro, ni getha o mundu akaheo kiria aagiriiruo ni kuheo ni undu wa maundu maria aaneka ati na mwiri, maakoruo mari mega kana mari moru."

2 Akorintho 5:10

MUTONGORIA WA MUBANGO:

Hindi iria Jesu aari guku thi ni aaragia na njira ya kuhuthira thimo nyingi. Ngerekano iria aaragia ni ciateithagia arutwo ake kuririkana uhoro wa ma ya maundu ma Ngai. Riu niturikitie kwiruta uhoro wa ngerekano inya cia magegania iria iheanite uhoro wa Ngai na iguru ria wendo uria endete andu othe naguo.

GICUNJI KIA MBERE:

Hindi iria Jesu aari guku thi, ene migunda a bururi uria aikaraga ni maathiaga rugendo rua thi cia kuraya. Nao andu ta acio ni maatigagira andu angi migunda niguo mamimenyerere. Mahinda mamwe na mamwe irihi ria migunda io riarihagwo na njira ya kuruta gicunji kia magetha ma migunda io, ningi no muhaka urute gicunji kia magetha maria mwarikaniire ona angikoruo ndwagiire na magetha. Mahinda mangi na mangi mundu aarutaga gicunji kia imwe kuuma kuri ithatu kia magetha.

Andu aria maathikagiriria ngerekano ino ni maamenyire o wega uria Jesu oigaga hari uhoro wegii

mugunda wa mithabibu na arimi oru. Atiriri, ni ukuririkana uria oigire ta uria kwandikitwo thiini wa ithomo ria keri. Niki giatumire Jesu arutane na njira ya kuhuthira ngerekano? Gitumi ni tonduri andu aria maari thu ciake matingiahotire gukuurana gitumi kia urutani wake. Indi ona kuhuana uguo thu cia Jesu niciasitire gukuurana gitumi kia ngerekano ino. (Thoma Luka 20:19)

GICUNJI GIA KERI:

Hingura Ibuku riaku kuuma thiini wa Luka 20:9-19. (Niwega guthoma mihari ino kahinda-ini gaka.)

Rugano ruria Jesu aaheanire niruo rurui. Mundu umwe in aahandire mugunda wa mithabibu. Na thutha wa uguo agicoka akiukomborithia andu niguo maurime. Thutha wa uguo agicoka agithii bururi ungi wa kuraya. Na niaamenyaga mahinda ma magetha makinya. Hindi ya magetha yakinya ni aathiaga kugiira gicunji kia magetha ma mithabibu. Nao andu aria makomborithitio matigana kuhe mundu uria watumitwo magetha. O tiga no kumunyoruria maamunyorurie.

ucamba, "Na ingigikua-ri, ndigikue" (Esiteri 4:16c).

Naguo muthia wa muthenya wa itatu, Esiteri agithii mbere ya muthamaki. Nake muthamaki agitikira athii hakuhi nake. Akienda kumenya kiria Esiteri aabatariitio nikio. Nake agiita muthamaki hamwe na Hamani mathii makarie irio cia hwai-ini hamwe nake. Nao magithii. Ningi agicoka akimeta mathii makarie irio cia hwai-ini muthenya ucio ungi warumiriire.

Na mahinda ma utuku muthamaki akiremwo ni gukoma toro. Hakiri uguo agitumana ati areheruo ibuku riria riandikitwo maundu ma matuku ma tene. Nake agithoma uri Moridekai aahonokirie muoyo wake. Na agicoka akiruta ati Moridekai ndaigana gutuugirio tonduri wa giiko kiu. Na gugituika atiri, hindi iria muthamaki aathomaga uhoro ucio Hamani aari njira guthii kuhoya rutha kuuma kuri muthamaki niguo Moridekai oragwo.

GICUNJI GIA KANA:

Nake muthamaki akiuria Hamani uria akungikwo kuri mundu uria muthamaki angienda gutuugiria. Nake Hamani agiciria ati niwe ungiatugiririo! Tonduri ucio agitua ati mundu ta ucio angiahumbiruo nguo cia muthamaki. Acoke ekiruo tanji ya muthamaki mutwe wake. Acoke ahaicio iguru ria mbarathi ya muthamaki, acoke aceerio thiini wa ituura. Na mathii na mundu ungi wa guthii akianagirira akiugaga, "Uu niguo mundu uria muthamaki endete

gutiithia ekagwo" (Esiteri 6:9 muthia wa muhari uyu).

Muthamaki agiatha Hamani gwika Moridekai maundu macio. Hihi wahota gwiciria uria Hamani aarakarire? Thutha wa gwika maundu macio kuri Moridekai, Hamani aathire iruga-ini ria muthamaki na Esiteri. Hindi iyo makiria irio, Esiteri akiira muthamaki uria Ayahudi mathondekeiruo mubango wa kuuragwo. Nake muthamaki akienda kumenya riitwa ria mundu uria wabangiite gwika uguo. Hindi iria Esiteri amucokeirie akimwira ni "Hamani", muthamaki akirakara muno. Nake agiitiga irio metha-ini agithii nja guceracera. Hindi iria aacokire, Hamani akoretwo eguithitie gitanda-ini kia Esiteri uria muthamaki mundu-wa-nja, tonduri wa gwiciria ati Hamani endaga gwika mutumia wake uru agiathana ati acuurio muti iguru.

Thutha wa uguo Moridekai agiathwo ni muthamaki ati aandike marua mangi. Nao Ayahudi makiiruo ati megitiire muthenya ucio wathondeketwo moragwo. Kuri Ayahudi muthenya ucio waari wa gikeno kinene. Tonduri wa umiririru wa Esiteri ni maahonire.

MUTONGORIA WA MUBANGO

Atiriri, twarikia kwiruta undu uriku kuuma thiini wa mutuuriire wa Esiteri? Hindi iria Esiteri aari kairitu kanini, mamawe ni aamurutiire kuhoya Ngai. Nake akiririkana uhoro wa urutani uria aari naguo kuuma thiini wa nyumba ya muthamaki. urutani uria ciana ciitu igiiga naguo kuuma thiini wa nyumba ciitu ni wa bata muno. No

wa Esiteri, akiira Esiteri athii kuu nyumba ya muthamaki. Nake Esiteri akiiruo ati ndakere mundu ona uriku ati aari Muyahudi.

Tukwiruo ati, "Nake Esiteri aari mwikiriku ni andu othe aria maamuonaga" (Esiteri 2:15b). Hindi iria ihinda riake riakinyire ria guthii mbere ya muthamaki ti Aheseurusu tuthomaga ati, "Nake muthamaki agikienda Esiteri gukira andu-a-nja aria angi othe, nake agiitikirika niwe, o na akionwo niwe ari mwega gukira airitu aria angi othe; na tond ucio akimwikira tanji iria iikagiruo mutwe ni mutumia wa muthamaki, akimutua mutumia wake ithenya ria Vashiti" (Esiteri 2:17).

GICUNJI GIA KERI:

Muthenya umwe hindi iria Moridekai aakoretwo aikarite kihingo-ini gia gutonya mucii wa Muthamaki, ni ahotire kumenya ati ni kuri na mubango wa kugarura thirikari ya muthamaki. Na hindi iria aamenyithie Esiteri undu ucio, andu acio makiherithio tond u wa mahitia mao. Namo maundu macio makiandikwo thiini wa Ibuku ria kurikiranwo maundu, o hamwe na riitwa ria Moridekai rikiandikwo. Nake Hamani niwe wakoriruo akiruta wira thiini wa nyumba ya muthamaki. Na muthenya umwe muthamaki akinenehia Hamani. Kwambatirio kuu gugituma Hamani etugirie muno. Endaga mundu o woth amuona ainamirire amugoce. Nake Moridekai akirega kumuainamirira tond Ayahudi no Ngai wiki mangiainamiriire. Undu ucio niwarakaririe Hamani muno.

Nake agitua cira wa kwenda kuraga Moridekai hamwe na Ayahudi aria angi othe. Na hindi io akienda kuhenereria muthamaki niguo etikanie na mubango wake.

Hamani akiandika marua na akimekira muhuri wa muthamaki. Namo marua macio moigite ati muthenya muna Ayahudi othe moragwo. Nake Moridekai akiigua uuru muno tond u wa guthoma marua macio. Nake Esiteri uria waari muhiki wa Muthamaki aari na kieha o nake. Ririkana ati Esiteri aari Muyahudi, na kuuma hindi iria aahikire ndari era mundu uhoro ucio.

GICUNJI GIA GATATU:

Moridekai aari mamawe wa Esiteri, tond ucio akihoya rutha kiira Esiteri athii kuri muthamaki niguo amuthaithe Ayahudi matikoragwo. Nake Esiteri akiririkania Moridekai ati ndetikiritio guthii kuri muthamaki atetitwo niwe. Mundu angiiika uguo no aherithio na iherithia ria kuragwo. Moridekai akiririkania Esiteri atiri, ona gutuika aari muthamaki mundu-wa-nja, ni angioragiruo o nake (Thoma Esiteri 4:13-14).

Esiteri agitumana kuri Moridekai akimwira ati onganie Ayahudi othe aria maikaraga thiini wa ituura riu. Nao mehinge kuria na kunyua handu ha matuku matatu. Nao mahoe tond u wa Esiteri hindi io ya kwiinga kuria. O nake Esiteri na ndungata ciake cia andu- a-nja o nao ni mangiehingire kuria. Nake Esiteri akiiranira ati ni eguthii mbere ya muthamaki. Tathikiriria uhoro wa ciugo ciake cia

Nao magithii gwika uguo mahinda maingi.

Na thutha-ini agicoka akirekia muruwe athii kuri andu acio akomborithitie mugunda, eciritie ati mahota kumuconokera. No ningi makiuraga muriu wa mwenye mugunda ucio. Jesu arikia kuuga uguo akimoria atiri, "Ni undu ucio-ri, mwathani wa mugunda akameka atia? Niagoka anine arimi acio, acoke ahe andu angi mugunda ucio" (Luka 20:15b-16a).

GICUNJI GIA GATATU:

Gitumi kia ngerekano ino ni gikumenyeka o wega. Mwene mugunda wa mithabibu ni Ngai we mwene. Naguo mugunda wa mithabibu ni andu a Israeli. Nao akombori ni athani a israeli aria Ngai aathurite niguo maathane. Nacio ndungata iria ciatumitwo kuri akombori acio ni anabii aria maamahurire na kumoraga. Nake muriu wa mwene mithabibu ni Jesu we mwene. Nakio gikuu kia muriu ucio mugai ni gikuu kia Jesu hau mutharaba-ini, kiria kiari hakuhi muno. Nakuo kuherithio kwa akombori acio kwari kuuga ati Ruriri rua Ayahudi ruria ruthuure ni rugatunywo igai riaruo. Na igai riu rinengeruo andu a nduriri ingi.

Riu rora muhari wa 19. Muhari uyu ugutwira ati athinjiri Ngai aria anene ona aandiki marua ni maamenyire ati Jesu agerekanirie ngerekano io ni undu wao.

GICUNJI GIA KANA:

Ngerekano ni yaari na ndumiriri ya bata muno kuri andu aria maari kuo hindi io ya matuku ma Jesu. Atiriri, ngerekano ino ikuuga atia kuri ithui matuku maya? Thiini wa ngerekano ino ni twarikia kwiruta atiri, mugunda wa mithabibu ni warikitie guthondekwo na ukarimwo ni mwene mugunda na thutha wa uguo agicoka kuunenganira kuri akombori niguo maurimage. Ngai niarikitie guthagathaga thi ino tuikaraga. Niarikitie gutuhe muoyo wa tene na tene o hamwe na iheo ingi cia magegania. Niarikitie gutuhe Muruwe Jesu Kristo. Riu niturikitie kumenya uhoro wa ndumiriri ya uhonokio wake thiini wa Jesu Kristo. Atiriri, twikaga atia na iheo icio ciothe? Atiriri, nii njikaga atia na Jesu?

Akombori acio nimahitiirie mwene mugunda wa mithabibu. Nimaregire kumuhe kiria kiari giake. Ona ningi makirega guthikiriria ndungata cia mwene mugunda. Na muthia-ini makiuraga Muruwe.

matuku maya mundu no ahote kuhitiria Ngai na njira icio. Ahota kwaga kuiga Ngai atuike wa mbere thiini wa mutuurire wake ona thiini wa ngoro yake. Ahota kuuga, "Aca," ndikwenda Jesu atuike Muhonokia na Mwathani wakwa. Hindi iria mundu oiga, "Aca," kuri Ngai akoragwo akiuga kuringana na meririria make, gwika uguo nigwika mehia.

Thiini wa ngerekano ino tukwiruo ati ihinda niriakinyire riria akombori acio meriruo marute uhoro wa wira uria marutagira mugunda ucio. Na

uguo niguu kuhuaana matuku maya. Nitugetwo niguu turute uhoru mbere ya Ngai tondū wa wira uria twanarutithia iheo iria Ngai atuhete.

MUTONGORIA WA MUBANGO:

Ni wira witu tuhuana ta Akristo gutuika andu chokeku kuri Ngai thiini wa maundu mothe. No muhaka tuhe Ngai handu ha mbere thiini wa ngoro ciutu. No muhaka tumenye ati Ngai niwe mwene indo ciothe. Niarikitie gutuhe irathimo nyingi: nacio ni

Mubango wa Gatandatu

GITONGA KIRIA GIKIGU

Muoroto wa Mweri: Ngerekano cia Jesu

Maandiko Matheru: Mathayo 6:19-21

Muhari wa Kwiririka:

"Tondū-ri, o kuria utonga waku uri, nikuo ngoro yaku ikoragwo iri."

Mathayo 6:21

MUTONGORIA WA MUBANGO:

Ni undu uriku mundu angika niguu agaaciire? Hihi ni kugia na mugunda munene, kugia na magetha maingi, kugia na nyumba nene, kugia na githomo kinene, kugia na irio nyingi kana hihi ni gutonga? Andu aingi meciriagia ati ungigia na maundu macio mothe no ukorwo uri na gikeno na ugaciire; meciragia ati mundu uria uri na maundu macio mothe ni ari na mutuurire mwega. Thiini wa ithomo riitu ria umuthi rigutwira uria Jesu oigire iguru ria kindu kiria kingituma mutuurire ugaciire.

irathimo cia gutuhe mihumu, ugima wa mwiri, hinya, uugi-uria-wa-ma o hamwe na indo iria ingi anatuhe. Twagiriiruo ni gukenia Ngai thiini wa undu o wotho uria twikaga. Tweka uguo nitugutuika akombori ega iguru ria maundu maria Ngai atutigiire.

Rekei tuhoe Ngai atuhe uugi niguu tutuikie aramati ega a maundu maria tuhetwo ni Ngai.

MAHOYA:

GICUNJI KIA MBERE:

Hingura Ibuku riaku kuuma thini wa Luka 12:13-21. Kuuma kiambiriria kia muhari wa 12 tukwiruta ati andu aingi nimonganite niguu mathikiririe urutani wa Jesu. Jesu ni aamerire uhoru wa guthinio kuria mangiathinirio nakuo tondū wa giwitikia Jesu.

Na kahinda o kanini mundu kuuma thiini wa gikundi kia andu aria mamuthikagiriria akiambiriria kwaria. Nake niakoretwo agitanga iguru ria utonga. Akira Jesu atiri, "Murutani,

Mubango wa Kenda

ESITERI

Muoroto wa Mweri: Atumia a Ibuku ria Ngai

Maandiko Matheru: Esiteri 4:14

Muhari wa Kwiririka:

"Githi ti nii ngwathite? Wee gita o kugia na hinya, na uumiririe muno; ndukanetigire, o na kama umake, ni undu Jehova Ngai waku e hamwe nawe handu o hothe haria urithiaga."

Joshua 1:9

MUTONGORIA WA MUBANGO:

Thiini wa ithomo riitu ria umuthi ni turi na rugano ruega muno rua Esiteri. Wahota guthoma ibuku riri ria Esiteri uri gwaku mucii. Ririkana ati thiini wa Ibuku ria Ngai ni kuri na mabuku meri maria mahetwo mariitwa ma atumia. Mabuku macio nimo Ibuku ria Ruthu na Ibuku ria Esiteri. Mabuku macio meri monekaga thiini wa Kirikaniro Kiria gia Tene.

Hindi iria mehia matonyire thi tondū wa Hawa kwaga gwachikira Ngai, Ngai ni eraniire ati niegutuma Muhonokia. Thutha wa ihinda inyinyi guthira, Ngai ni aacokire guthuura Iburahimu niguu atuike ithe wa ruriri ruake. Nake akiiranira ati nduriri ciothe ciathi niikarathimwo tondū wa Iburahimu. Jesu aciariruo kuuma thiini wa ruciaro rua Iburahimu.

Hindi iria ihinda riathire na mbere guthira, ruciaro rua Iburahimu rugithii na mbere gutuika ruriri runene. Nacio ciana ciake ciitagwo ciana cia Isiraeli kana Ayahudi. Thutha wa kugia na mathina na magerio maingi, Ngai ni aamatongoririe niguu matonye thiini wa bururi uria aameriire. Na o uria miaka yathiraga, ciana cia Isiraeli

igithii na mbere kwihia makiria. Muthia-ini Ngai agitikiria thu imahoote. Nao andu acio makihurunjuka thiini wa icigo mwanya mwanya thiini wa thi. Hindi ya matuku macio nirio rugano ruru rua Esiteri ruahotire kuoneka.

GICUNJI KIA MBERE:

Esiteri hamwe na Ayahudi ang aingi matuuraga thiini wa bururi wa Persia. Nake Ahasuerusu niwe waari muthamaki wa bururi ucio.

Na nigwatukire ati muthamaki ni aarugire iruga inene riria etite ageni aingi. Agitumana ati mutumia wake, mutumia wa muthamaki Vashiti, agiirwo. No ningi mutumia wa muthamaki akirega guthii mbere ya muthamaki. Naguo undu ucio ukirakaria muthamaki muno. nake akianirira akiuga ati Vashiti ndagacoka gutuika mutumia wake ringi. Nake agitua cira wa kugia na mutumia ungi.

Airitu othe aria athaka magiitwo mathii kwa muthamaki. Na ihinda riakinya umwe wao ni angiathuriruo niguu atuike mutumia wa muthamaki. Nake Moridekai uria waari mamawe

GICUNJI GIA KANA:

Naguo muthenya uyu ungi wa kinya agiita mundu uria wagigiiruo ni guthambia Ruthu. Nake mundu ucio akiuga ndangihota gwika uguo. Naguo undu ucio ukiohora Boazu guthii na mbere kuhikia Ruthu. (Thoma Ruthu 4:9-10)

Tondu ucio Boazu akihikia Ruthu. Thutha hanini Ngai akimahe kahii. Nao magigatua Obedi. Hindi io Naomi agikena gikeno kinene. Obedi niwe gukawe wa Muthamaki Daudi. Ruciaro rua Jesu niruandikitwo thiini wa Mathayo gicunji kia 1. Nitukuona mariitwa ma Ruthu na Boazu thiini wa gicunji giki. (Thoma Mathayo 1:5)

Atiriri, tukwiruta undu uriku kuuma thiini wa mutuurire wa Ruthu? Naomi na andu a mucii wake maahoyaga Ngai uria wa ma na mutuura muoyo. We na andu a mucii wake magithii gutuura na andu a bururi wa Moabi. Andu acio maahoyaga ngai cia mihianano. Anake a Naomi ni maahikirie airitu a kuu Moabi. Nitugwitikia ati Ruthu ni aahotire kurumirira Ngai uria wa ma tondu wa kugucio ni witikio wa Naomi na andu a mucii wake.

Hindi iria Naomi aacokire thiini wa bururi wake-ri, Ruthu ndaigana gutigana na nyaciarawe. Thikiriria ciugo cia wendo iria ciaririo ni Ruthu. (Thoma Ruthu 1:16-17. Ruthu agituika wagwathikira Ngai. Matuku maya Ngai endaga ati Mukristo o wotho akoruo ari mwihokeku. Undu uyu wahota kuonekana ta uri muritu. No ningi Ngai ni arituhotithagia matuku maya guikara turi ehokeku.

Mutuurire na wihokeku wa Ruthu kuri Ngai, ni maundu maria maari uira mwega mbere ya maitho ma Boazu. Niaamenyete uria aari mutugi kuri Naomi. Hakiri uguo agitikira kuhikia Ruthu. Ngai ni aacokire kurathima Ruthu na njira nyingi cia magegania. Matuku maya tungikoruo turi ehokeku mbere ya Ngai, ona tugacaragia kwenda gwake, Ngai ni arituheaga irathimo nyingi.

MUTONGORIA WA MUBANGO:

Hihi Ngai ahota gugwita niguo uume gatagati ka andu anyu ona bururi wanyu niguo umurumirire. No ningi endaga Mukristo o wotho atuike mwihokeku. Twahota gutuika ehokeku mbere ya Ngai thiini wa nyumba ciitu. Twahota gutuika ehokeku hari kuruta ciana ciitu uhoro wa Ngai. Twahota guthondeka muikaranirie mwega gatagati-ini gaitu na andu aria matuhikitie. Twagiriiruo ni kuruta mawira mothe maria Ngai atuhete na njira njega. Twarikia gwika uguo Ngai ni ariturathimaga ona gutuma tutuika kirathimo kuri mutuurire wa andu aria angi. Ririkana ciugo cia muhari witu wa kuuga na ngoro: "Nihotaga gwika maundu mothe na undu wake we uria uheaga hinya" (Afilipi 4:14).

MAHOYA:

Rekei tucokerie Ngai ngatho ni undu wa rugano ruru rua Ruthu. Reke tuhoe na turie Ngai atuhe hinya wa gutuika ehokeku maundu- ini mothe.

ira muru wa maitu tugayane nake igai riitu" (Luka 12:13b). Nake Jesu akirega gutuika mutuithania wa cira gatagati-ini ka mundu ucio na muru wa nyina. Na thutha ucio Jesu agithii na mbere kwaria uhoro wa bata muno. Akiuga atiri, "Ni undu muoyo wa mundu nduonekaga ni undu wa uria indo ciingihite iria ari nacio" (Luka 12:15b).

Jesu ni aahuthirire ngerekano niguo ahote kuonia andu acio gitumi gia ciugo ciake. Akimera ati ni kwari na mundu umwe gitonga uria mugunda waciarite muno. Nake akiambiriria gwiciria uria angika na magetha macio make. Makumbi make ni marikitie kuiyura. Makumbi macio matingiahotire kuiganira magetha. Muthia-ini agitua cira wa gutharia makumbi make niguo ake manene. Agicoka akiuga atiri, "Na ndiire na ngoro yakwa atiri, ngoro ino, wina indo nyingi njige cia kuigana miaka miingi; huruka, uriage, na unyuaage, na ucanjamukage" (Luka 12:19). Agiciria ati gutiagiriire ona hanini kuruta wira ringi. Niguikara angiaikarire the acoke ekenere na acanjamuke tondu wa ikeno cia mutuurire.

Mundu eciragia o uhoro wake mwene. Akiriganiruo ni kugatha Ngai tondu wa indo iria aari nacio. Ningi akiriganiruo ni andu aria athini mamuthiururukiirie. Hihi ni angiamahaire indo cia kumateithia. Nake Ngai akimwira, "Wee, kirimu giki, utuku o uyu niugwitio ngoro yaku nacio indo icio wihaiire-ri, igagituika cia u?" (Luka 12:20).

Icokia riria riagiriire hari kiuria kiu riari ati niangiatigire indo icio ciake thutha wa gukua. nake mundu ungi oe indo icio ciake. Nacio indo icio mundu ucio etongetie nacio cingiahuthiriruo ni mundu ungi.

GICUNJI GIA KERI:

Hihi twahota gwiciria ati, "Mundu ucio ndangiahotire gwigigira tondu wa uria aari na indo nyingi." No ningi Ngai ndaigana kuona ati mundu ucio aari na indo nyingi. Ni ma ati, Ngai ni oigire ati mundu ucio ari mukigu.

Atiriri, mehia make maari macio makugia na indo nyingi? Aca! Mehia make maari ati ni aaremiruo gwika uria kwagiriire na utonga wake. Eciragia uhoro wake we mwene. Ndeciragia uhoro wa Ngai kana wa andu aria angi. Ndeciragia uri angiahotire kugwatanira indo ciake na andu aria athini.

Maya nimo makoragwo mari magerio kuri andu aingi a matuku maya. Twiciragia ati mundu angikoruo ari na indo nyingi, ati ni gitonga. Akristo aingi meciragia uria mangihota kugia na mbea nyingi kana uria mangihota kugia na indo nyingi. Anyinyi ao nio meciragia uria mangiruta mbea ciao niguo ikaruta wira wa Ngai. Angikoruo Mukristo o wotho no eicirie muno uhoro wa urutani wa Jesu iguru ria indo ciao, thi iria tutuuraga no ikoruo ari kundu kuri nguurani.

GICUNJI GIA GATATU:

Atiriri, Jesu arutanaga atia iguru ria utonga uria wa ma? Hingura thiini wa Ibuku riaku thiini wa Mathayo

6:19-21. Jesu erire arutwo ake ati nigukiga angikoruo mundu ni ekwiigira utonga thiini wa thi ino. Tungiiga ngoro ciitu thiini wa utonga wa muthemba ucio hindi imwe ni tukautiga. Ningi utonga wa muthemba ucio ni urutaga ngoro ya mundu kuuma kuri Ngai.

Nituui andu amwe aria matari na indo nyingi. Andu acio ni mathiaga kanitha-ini na makonania ati ni chokeku. Ningi riria maambiriria kugia na mbecha nyingi, o kahora makambiriria gutiga guthii kanitha. Mahinda maingi mao mamahuthagira na njira ya guthii gucaria mbecha. Atiriri, ni ui mundu umwe wikaga uguo? Muhaha wa kwenda kugia na utonga muingi niukaga gatagati ka andu acio makamuranio na Ngai.

Jesu atwirite ati tutikeegire utonga guku thi. No ningi tungiiga utonga witu matu-ini gutiri hindi ugathuka. Uguo ni kuuga ati tutirirutaga wira wa gutuonera irio, nguo, uugi wa githomo gia ciana ciitu na maundu mangi ta macio? Aca, Jesu ndaigana kuuga uguo.

No ningi oigire atiri, "Tigaga gutangikira mioyo yanyu, o kiria muririaga, kana o kiria murinyuaga; o na kana mutangikire miiri yanyu o kiria murihumbaga. Kai muoyo utakirite irio, o na mwiri ugakira nguo?" (Mathayo 6:25). Ngai nioi ati nitubatairio ni maundu macio mothe. Jesu eraniire ati tungitua Ngai na kwenda gwake kwa mbere thiini wa mutuurire witu, Ngai niaritumaga tuhingirio maundu macio mangi

tubatairio nimo. (Guthoma Mathayo 6:33).

GICUNJI GIA KANA:

Niki gitumaga mundu akoruo agaciire mbere ya maitho ma Ngai? Atiri, ni undu iriku utumaga mundu ahote kuhootana mbere ya maitho ma Ngai? Ngai oigite atiri, "Ni undu muoyo wa mundu nduonekaga ni undu wa uria indo ciingihite iria ari nacio" (Luka 12:15b). Andu mahota gukoruo na indo nyingi no ningi makoruo mari athini mbere ya maitho ma Ngai. Mundu uria atumaga Ngai akoruo ari wa mbere thiini wa mutuurire wake niwe ugacagira.

Ni kuri na andu aingi itonga thiini wa thi matuku maya. Nao mahuthagira mbecha ciao na njira ya kugocithia Ngai. Ni marutaga indo ociao niguo mateithie wira wa Ngai thiini wa thi yothe. Nimateithagia andu aingi na indo iria Ngai amehete. Ningi ni kuri andu aingi aria mari na utonga munyinyi muno. Indi ona kuhana uguo ni marutaga wira muingi wa guteithia wira wa Ngai utambe o nao. Tond ucio kugacira kwa wira wa mundu gutingithimwo na uingi wa indo iria mundu ari nacio. Kugacira kwa mundu kuonanagio tond u wa uria aigite Ngai handu ha bata thiini wa ngoro yake. Ningi undu uyu ukindagiruo na maundu maria mundu ekaga na indo icio.

Twagiriiruo ni kuhuthira indo ciitu na njira iria ingikenia Ngai. Hakiri uguo nitwagiriiruo ni kuiga utonga witu matu-ini. Matu-ini nitugatuika itonga hari indo cia Ngai.

makurega gucoka. Nake Naomi agithii na mbere kumathaitha ati macoke. Na muthia-ini Oripa agicoka kuri nyina mumuciar. No ningi Ruthu akirega gucoka. (Thoma uria Ruthu erire nyaciarawe kuuma thiini wa Ruthu 1:16-17). Nao magithii na mbere na rugendo ruao hamwe o kinya magikinya Bethlehemu.

GICUNJI GIA KERI:

Naomi aathire bururi wa Moabi ari na muthuriwe na ariu ake eri. Riu aracoka ari o wiki mena mutumia wa muriu tu. Ni aari na kieha kiingi muno o na gwithikira.

Ruthu aari mugeni thiini wa bururi ungi. Hihi kuri hindi uri wakoruo uri thiini wa bururi wa kuraya kuuma mucii wanyu ona kuuma kuri andu a mucii wanyu? Hindi io waiguire atia? Ruthu ni eendete nyaciarawe muno. Ruthu ni endaga kumutungatira muno. Nake Ruthu akiuria Naomi kana no areke athii akahaare cairi niguo moke marie. Naomi akimuhe rutha rwa guthii.

Hindi ya matuku macio waari mutugo wa agethi gutiga cairi iria igwite thi. Nao athini ni maathiaga kuhaara cairi iria igwite mugunda. Njira io niyo yahotaga kumonera giakuria.

GICUNJI GIA GATATU:

Nake Ruthu agithii kuhaara cairi iria ciagwite mugunda-ini, na tond u wa munyaka agithii thiini wa mugunda wa mundu uria wetagwo Boazu. Nake Boazu akimuona. Boazu akiuria mugeni ucio nu. Akiiruo ati ni Mumoabi uria wokire na Naomi.

Naguo muthenya ucio Boazu agituga Ruthu. Nake akimwitikiria kuhaara cairi iria ciatigagio mugunda-ini wake. Nake agicoka kumwitikiria kunyua mai kuuma thiini wa inya cia aruti wira a boazu. Hindi iria ruthu oririe kiria giatumire etikirike ni Boazu, Boazu ni aamucokeirie akimwira atiri, "Maundu mothe maria waneka nyaciaraguo gwata hindi iria muthuriguo aakuire ni menyithio muno uhoro wamo; o na uria watiganire na thoguo na nyukwa, ona bururi wanyu uria waciariiruo, ugiuka kuri andu utaamenyanirite nao mbere. Jehova arokuhe kiria wagiriiruo ni kuheo ni undu wa maundu macio waneka! Ningi Jehova, Ngai wa Israeli, uria wee, mwari wakwa, ukite kwihitha mathagu-ini make, arokuhe mucara uria uiganiire!" (Ruthu 2:11-12)

Riria acokire mucii hwai-ini ucio Ruthu ni aari na cairi nyingi. Nake Naomi akigia na gikeno tond u wa Ruthu guthii kuruta wira thiini wa mugunda wa Boazu. Nake Naomi akiira ruthu ati Boazu aari wa nyumba yao. Thutha wa kahinda gatari karaya, Naomi ni eciririe ati Ruthu niabatairio ni kugia na mucii wake mwene.. Kuringana na mutugo wa matuku macio, Naomi akiira Ruthu athii akere Boazu amuthambie.

Nake Ruthu agiika ta uria Naomi aamwirire. Boazu agitikira gwika uguo, no ningi ni kwari na mundu ungi wa muhiriga wake uria wagiriiruo ni gwika uguo. Nake akiranira ati ni egwita mundu ucio niguo amurie kana no ahikie Ruthu.

RUTHU

Muoroto wa Mweri: Atumia a Ibuku ria Ngai

Maandiko Matheru: Ruthu 1:16-18

Muhari wa Kwiririkania:

"Nihotaga gwika maundu mothe na undu wake we uria uheaga hinya."

MUTONGORIA WA MUBANGO:

Umuthi tuguthii kwambiriria kwiruta uhoru wa atumia ana a Ibuku ria Ngai. Nao atumia eri a acio maari kuo thiini wa Kirikaniro Kiria gia Tene. Nao aria angi eri maari kuo hindi ya matuku ma Jesu.

Hindi ya matuku macio ma kwandikwo kwa Ibuku ria Ngai atumia matari na handu ha bata thiini wa mawira maria maarutagwo hari o muthenya. Mutumia akoragwo ahwana ta utonga wa mundu murume. Muthuri akua ndangiahotire kugaya indo cia muthuriwe. Igai ria muthuri riatigagiruo ciana cia tumwana. Hindi ya matuku ma tene thiini wa bururi wa Israeli muthuri angiaquire ataciarte ciana, mbari ya ucio mukui nimaahikagia ucio watigwo wa ndigwa.

Ngerekano kana uhoru wa Ruthu wandikiruo hindi iria mutugo kana muikarire uyu wakoretwo ugithii na mbere gatagati-ini ga ciana cia Israeli. Twahota kuona urutani kuuma thiini wa mutuurire wa Ruthu.

GICUNJI KIA MBERE:

Ibuku ria Ruthu rionekaga thiini wa Kirikaniro Kiria gia Tene. Ni ibuku inyingi riri na icunji inya tu. Wakoruo

Afilipi 4:14

uri undu mwega muno guthoma Ibuku riu mucii gatagati-ini ga kiumia giki. Ungiruta ibuku ria Ruthu no uhote kumenya wega iguru ria maundu maria tuguthii kwiruta umuthi.

Ruthu ndaari Muisraeli. Oimite bururi wa Moabi.

Hindi imwe ni kwari na ng'aragu nene thiini wa Isiraeli. Ni kwari na mundu umwe wetagwo Elimeleku uria watuuraga kuu Bethlehemu. Na ni kwari na irio thiini wa bururi wa Moabi. Hakiri uguo Elimeleku na mutumia wake na ariu ao eri magithii gutuura bururi ucio wa Moabi. Na o narua thutha wa Elimeleku kukinya bururi ucio agikua. Nao ariu ake makihikia airitu a kuuma bururi ucio wa Moabi. Namo mariitwa ma airitu acio ni Ruthu na Oripa. Na thutha wa miaka ikumi guthira anake acio a Naomi onao magikua. Na magikua Oripa na Ruthu gutiri ona umwe wao waari na kaana.

Nake Naomi akiambiriria kwenda gucoka bururi wake. Riria atuire cira wa gucoka kwao, Ruthu na Oripa magitwarana nake handu ha rugendo rutari ruraya. Nake Naomi akiira atumia acio a ariu ake macoke kwao. Na hindi ya mbere makiambiriria

MUTONGORIA WA MUBANGO:

Muhari witu wa umuthi wa kwiririkania ugutwira atiri, "Tonduri, o kuria utonga waku uri, nikuo ngoro yaku nayo ikoragwo iri." (Mathayo 6:21). Atiriri, ngoro yaku iha riu? Ngoro yaku ihokete thiini wa maundu ma Ngai? Kana uri thiini wa indo cia

thi? Rekei tuhoe Ngai niguo atuhe uugi wagutuhotithia gucaria kwenda gwika kwenda kwa Ngai makiria ya maundu maria mangi mothe. Ningi tucoke tumuhoe niguo atuonie uria twagiriiruo ni k uhuthira maundu maitu tonduri wa wira wake.

MAHOYA.

Mubango wa Mugwanja

AIRITU ARIA IKUMI

Muoroto wa Mweri: Ngerekano cia Jesu

Maandiko Matheru: Mathayo 25:1-11

Muhari wa Kwiririkania:

"Ni undu ucio o na inyu ikaragai mwihaariirie: ni gukoruo Muru wa mundu niagoka thaa iria mutegereirie."

Mathayo 24:44

MUTONGORIA WA MUBANGO:

Nitukuririkana ringi ati Jesu aarutanaga na njira ya ngerekano. Ngerekano icio niateithagia andu kumenya uhoru wa Ngai. Jesu aari hakuhi na muthenya wa gucoka gwake na gucoka kuriuka. Thiini wa Mathayo 24, Jesu ni aarutanire maundu maingi megii uhoru wa gucoka gwake gwa keri. Nao arutwo ake makienda kumenya ati hindi ya gucoka gwake gugakoruo kuhwana atia. No nake Jesu akiuga ati ti undu wa bata kumenya hindi ya gucoka gwake. Guka gwake ni kwa na ihenya na gutiri mundu ukamenya gugakoruo kuri kwa muthenya uriku o tiga Ngai we mwene uui. (Thoma Mathayo 24:36). No undu wa bata ni ucio wa guikara mundu

ehariirie hindi ya gucoka gwake Mwathani (Guthoma Mthayo 24:44).

GICUNJI KIA MBERE:

Hari guteithia andu kumenya bata wa kwihariria hari uhoru wa gucoka kwa Mwathani Jesu Kristo, ni aamaheire ngerekano. Kuhingura ibuku riaku thiini wa mathayo 25:1-13.

Thiini wa mihari ino Jesu ni aamaheire uhoru wa nduire uria wakoragwo ukioneka thiini wa ituura matuku macio. Na nikwirikanaga ati ona matuku maya undu uyu no uthiaga na mbere thiini wa bururi wa Palestina. Ni kwari na airitu ikumi aria moire matawa mao magithii guthagania muhikania. Nao airitu atano maari akigu tonduri matari na

muthithu wa maguta thiini wa matawa mao.

Nao magiikara ihinda iraya metereire muhikania. Nake Muhikania giikara atokite. Thutha wa uguo airitu acio makiambiriria gukoma toro. Na utuku gatagati gukigia na inegene, "Muhikania nimuuku! Umai mumuthaganie" (Mathayo 25:6b).

Nao airitu acio othe makiarahuka makiambiriria guthagathaga matawa mao. Nao airitu aria akiigu makiira aria ogi atiri, "Tuhei maguta mamwe manyu: ni undu matawa maitu nimarahora" (Mathayo 25:8). Nao airitu aria ogi makirega kumahe tondunguta maguta maria maari namo mari ma kuigana matawa mao tu. Airitu acio akiigu ni maathire gucaria maguta ma gwikira matawa mao. Nao riria maakoriruo mari njira guthii kugura maguta muhikania agikinya. Nao aria mehariirie niundu wa gukinya kwa muhikania magitonya gikeno-ini kia uhiki hamwe na muhikania. Naguo murango ukihingio. Gutiri mundu ungi ungietikiririo gutonya kuu nyumba. Hindi iria acio angi acio akigu atano macokire, matiangiahotire gutonya tondungu murango wari muhinge. Nao makiaga gutonya kihikanio-ini.

GICUNJI GIA KERI:

Kiugo kia Ngai giturutaga atiri, muthenya umwe Jesu ni agacoka ringi. Ningi kiugo kiu giturutaga atiri, gutiri mundu ui muthenya kana thaa ya gucoka gwake. "Ni gukoruo nimuui wega inyuene ati muthenya wa mwathani niugoka ota uria muici okaga utuku" (1 Athesalonike 5:2). Ni undu wa bata muno ati mundu o

wothe niehariirie gutunga Mwathani riria agoka.

Atiri, mundu ahota gwithagathaga atia tondungu wa gucoka kwa Jesu Kristo. Undu wa mbere, no muhaka mundu oimbure mehia make na acoke amukire Jesu atuike Muhonokia wake. Jesu ni aakuire niguo andu othe moheruo mehia mao na njira ya gwikiria (Guthoma Aroma 3:25a).

Mundu arikia gutuika Mukristo no muhaka atuure mutuurire wa gukenia Ngai. No muhaka acarie kwenda kwa Ngai thiini wa mutuurire wake. No muhaka atuure mutuurire wa gukenia Jesu. Kiugo kia Ngai nikio giturutaga uria mundu angihota gutuura mutuurire wa Gikristo. Tondungu ucio, twahota kumenya uria tungihota gutuura mutuurire wa gukenia Jesu tondungu wa guthoma Ibuku ria Ngai ona kuhoya. Ici nicio njira cia kumenya uria mundu angihota gwithagathaga tondungu wa guuka kwa Jesu Kristo.

GICUNJI GIA GATATU:

Atiriri, tukwiruta atia kuuma thiini wa ngerekano ino? Atiriri, hindi iria muhikania akinyire-ri, ni kwari na mweke wa airitu acio akigu kugia na ihinda ria guthondeka matawa mao? Aca hatiari na ihinda. Mbere io nimakoretwo mahetwo mweke wa gwika uguo. Ngerekano ino iguturuta ati hindi iria Mwathani agacoka mundu ndagakoruo na mweke wa kwihariria.

Atiriri, twagiriiruo ni kwihariria niki? Ibuku ria Ngai riugaga atiri, "Atiriri, riu nirio ihinda riu ria gwikirikira; atiriri, nirio muthenya ucio

wa kuhonokanio" (2 Akorintho 6:2b). Tutiui riria gikuu gigakinya. No ningi nigigakinya, nake mundu ndakagia na mweke wa kwihariria gucemanina na Ngai. Hakiri uguo mundu o mundu niagiriiruo ni gutiga ona ati ni agia na uhonoio ucio O RIU.

GICUNJI GIA KANA:

Ni hari na urutani ungi uria ngerekano ino iturutaga. Airitu acio akigu matangiahotire kuhoya maguta kuuma kuri aria oogi. Gutiri hindi mundu angihota kuhoya witikio wa mundu ungi niguo umuteithie kuigwana na Mwathani. Mahinda maingi ungiuriria mundu, "Atiriri, wee uri Mukristo?" Acokagia akoiga, "Ii, aciari akwa ni Akristo. Kwoguo ona nii ndi Mukristo." Ngerekano ino iguturuta ati o mundu no muhaka eharirie gucemanina na Mwathani Jesu. Gutiri mundu ungi ungihota gwithagathaga tondungu witu. Tutingihota kuhoya kwihariria gwiu kuuma kwi mundu uria ungi.

MUTONGORIA WA MUBANGO

Umuthi nitwarikia kwiruta uhoro wa ngerekano imwe cia Jesu. Jesu aaheanaga uhoro na njira ya kuheana ngerekano nyingi. No ningi twarikia kwaria uhoro wa ngerekano mugwanja tu.

Niturikitie kwiruta uhoro wa maundu maingi maria mangihota gututeithia thiini wa mutuurire witu wa Gikristo. Wa mbere, niturikitie kwiruta ati o mundu o wothe ni orite angikoruo atari thiini wa Jesu Kristo. Ningi niturikitie kwiruta ati nitwagiriiruo ni kuona ati nitweruta

Kiugo kia Ngai. Kiugo giki kiagiriiruo ni kwamukiruo thiini wa ngoro ciitu o ta mbegu iria yaguire tiiri-ini uria mwega.

Ningi nitwarikia kwiruta ati Ngai niahete o mundu taranda ya muthemba muna. Taranda icio niciagiriiruo nikuhuthiruo na njira iria cia bata muno. Ngai ekwenda tucihuthire thiini wa kuruta wira wake.

Ngerekano ya mutumia uria wa ndigwa na mutuaniri cira, ni igutuumiriria ati tutikaage kuhoyaga Ngai na njira ya wihokeku. Ngai niacokagia mahoya maitu kuringana na wendo ona uugi wake. Ningi nitwirutite ati Ngai niarikitie gutuhe irathimo nyingi, na niekwenda tutuuke ndungata njega hari irathimo iria atuhete.

Ithomo riitu ria kiumia kiu kirathirire nitwerutire ati Mukristo agiriiruo ni gutuma Ngai atuike wa mbere thiini wa mutuurire wake. Ino niyo njira iria mundu angihota gukoruo ari gitonga mbere ya Ngai.

Umuthi ni twarikia kwiruta ati Jesu ni agacoka ringi. No muhaka twiharirie uhoro wa guka gwake hindi ya keri. Tungikinya hindi ya gukua tutari twehariria na njira io, gutiri hindi tukagi ana mweke wa gwithagathaga.

Rekei tuhoe tucokerie Ngai ngatho tondungu wa mathomo macio mothe twarikia kwiruta. Hoya Ngai niguo atuhe umiriru ona hinya niguo tuhote kugwatanira na andu aria morite thiini wa uhoro uyu.

MAHOYA